



**Skilafrestur auglýsinga
í Aðventublað BB
rennur út
föstudaginn 26. nóv.**

**Verð frá
kr. 176.600**

HÚSGAGNALOFTIÐ
SÍMI 406 4066 • BREKKI 1 • 400 ÍSAFJÖRDUR

Óháð fréttablað á Vestfjörðum í 20 ár

BÆJARINS BESTA

Stofnað 14. nóvember 1984 • Sími 456 4560 • Veffang: www.bb.is • Verð kr. 250 m/vsk

Miðvikudagur 24. nóvember 2004 • 48. tbl. • 21. árg.

**Stefnan sett
á öflugra og
betra embætti**



– sjá viðtal á bls. 10

**Ísfirskur sjó-
maður í
Grimsby**



– sjá viðtal á bls. 8

**Einar Hálf-
dás í togi**

Björgunarbáturinn Gunnar Friðriksson kom með línubátinn Einar Hálf-dás ÍS-11 í togi til Bolungarvíkur á sunnudag.

„Smávægileg bilun kom upp er við vorum á leið í land að lokinni veiðiferð og við drápum á vélinni til að hætta ekki á skemmdir. En engin hætta var á ferðum og allt gekk vel“, sagði Guðmundur Einarsson skipstjóri. Þess má geta að Einar Hálfdás ÍS-11 er 350 brúttótonn að stærð en Gunnar Friðriksson einungis 41. – thelma@bb.is

Nýr kjarasamningur grunnskólakennara við sveitarfélög

Kostar nýr samningur Ísafjarðarbæ á sjöunda tug milljóna?

Nýr kjarasamningur grunnskólakennara við sveitarfélög mun við enda samningstímabilsins árið 2008 hafa aukið fjárútlát Ísafjarðarbæjar vegna kennaralauna um rúma 61 milljón á ári.

Í samningnum er kveðið á um 5,5% afturvirka hækkun launa frá og með 1. október sl. auk 130 þúsund króna eingreiðslu til þeirra kennara og leiðbeinenda sem aðild eiga að Félagi grunnskólakennara. Við grunnskóla Ísafjarðarbæjar eru 66,5 stöðugildi kennara og leiðbeinenda og sé reiknað með því að 90% þeirra fái

þessar eingreiðslur má gera ráð fyrir því að þær kosti bæjarfélagið tæplega 8 milljónir.

Launakostnaður Ísafjarðarbæjar vegna kennara og leiðbeinenda í grunnskólum var í ár áætlaður tæplega 230 milljónir króna. Misjafnar meiningar eru um það hversu mikil hlutfallsleg útgjaldaaukning felist í þessum samningi, en flestir eru á því að hún sé á bilinu 27-32%. Hækkanirnar koma til framkvæmda í áföngum til 1. janúar 2008, en launatafla kennara hækkar mest á næstu 9 mánuðum.

– halfdan@bb.is



Stjórnsýsluhúsið á Ísafirði.

**Kajakmenn réru til móts
við borgarísjaka í mynni
Ísafjarðardjúps**



Þrír kajakmenn, Halldór Sveinbjörnsson, Þröstur Þórisson og Sveinbjörn Kristjánsson, reru á laugardag að borgarísjaka þeim sem undanfarna daga hefur verið á reki í mynni Ísafjarðardjúps. Eins og kom fram í fréttum strandaði ísjakinn á fimmtudag undan Stigahlíð. Hann losnaði síðar og rak yfir Djúpið. Kajakmennirnir þrír lögðu upp í fimmtán stiga frosti frá Bolungarvík á ellefta tímanum að morgni laugardags. Er þeir komu að jakanum var hann undan Rit. Að sögn ræðaranna var það stórfengleg sjón og skemmtileg lífsreynsla að róa í kringum þetta ferlíki. Þar sem veður var ekki eins og best verður á kosið og dagurinn stuttur stoppuðu þeir stutt við jakann og komu til baka um kl. 15 eftir 20 km. róður.



Afgreiðsla

Landsbankans

í Neista er opin

fimmtudaga og

föstudaga

frá kl. 16-18

Sími 410 8119



Landsbankinn

Sími 410 4156

Fax 410 3018

úrval

Samkaup

OPIÐ:

virka daga

kl. 09 - 21

laugard. 10-21

sunnud.

kl. 12 - 21

Verið
velkomin!

Samkaup úrval

NEISTA

HAFNARSTRÆTI 9-13

SÍMI 456 5460



SKIP OG BÍLL - HEILDARLAUSN Í FLUTNINGUM

Flytjandi
- 24 tímabil á dag -

EIMSKIP
GREIÐ LEIÐ

Lárus leiðir

Lárus G. Valdimarsson bæjarfulltrúi Samfylkingarinnar hefur verið kosinn formaður í nýrri nefnd sem undirbúa skal heim-sókn fulltrúa vinabæja Ísa-fjarðarbæjar til bæjarins árið 2005. Einnig skal nefndin stýra stefnumótun vinabæjanna í samræmi við samþykktir sem gerðar voru á síðasta vinabæjar-fundi í Joensuu í Finn-landi. Auk Lárusar verða í nefndinni Ragnheiður Hákonardóttir, Svanlaug Guðnadóttir, Magnús Reynir Guðmundsson og Inga Ólafsdóttir.

Verkfær-um stolið

Vinnuljósum og verkfær-um var stolið úr veghefli Vegagerðarinnar sem var geymdur við hafnar svæðið á Þingeyri. Lögreglunni á Ísafirði var tilkynnt þann 15. nóvember að helgina áður hafi þjófnadurinn átt sér stað. Þeir sem vitneskju hafa um það hver framdi verknaðinn eru vinsamlegast beðnir um að hafa samband við lögregluna á Ísa-firði. Þá hafa kvartanir borist til lögreglu um vél-sleðaakstur í þéttbýlinu á Þingeyri en akstur tor-færutækja sem þessara er bannaður í þéttbýli.

Útafakstur í Djúpinu

Bifreið rann út af veginum við Eyrarfjall í Ísafjarðardjúpi í síðustu viku vegna hálfu. Engin slys urðu á fólki en bifreiðin var talin óökufær. Tilkynnt var um fjögur umferðaróhöpp í umdæmi lögreglunnar á Ísafirði í vikunni. Engin slys urðu á fólki en eignar-tjón varð misjafnlega mik-ið. Meðal ástæðna afskipta lögreglunnar af öku-mönn-um í vikunni má nefna of hraðan akstur, ljósabúnað bifreiða og umferðar-óhöpp. Meðal annars var ekið á ljósastaur og á mannlausa bifreið. Öku-maðurinn í seinna tilvikinu skildi miða eftir á rúðu-þurrku bifreiðarinnar sem varð fyrir árekstrinum ásamt því að gera lögregl-unni viðvart. „Þessi fram-koma er til fyrirmyndar, greinilega heiðarlegur og ábyrgur ökumaður“, segir í dagbók lögreglunnar. Einn maður gisti fanga-geymslu lögreglunnar um helgina eftir að hann hafði verið fjarlægður ofurölvi af veitingastað á Ísafirði.

Skilafrestur auglýs-inga í Aðventublað BB er á föstudag

Stafrænt sjónvarp Símans og SkjáEins um ADSL að hefjast á Vestfjörðum

Útsendingar hefjast í Bolungar-vík og á Patreksfirði í vikulokin

Síminn og Skjár Einn áforma í vikunni að hefja hringferð sína um landið til þess að færa íbúum tíu bæjar-félaga á landsbyggðinni Skjá Einn og enska boltann. Hring-ferðin hefst á Bolungarvík og hyggjast Síminn og Skjár Einn bjóða Bolvíkingum til fjöl-skylduhátíðar í félagsheimil-inu Víkurbæ kl. 17:00 á morg-un. Á hátíðinni verður þjón-usta Símans kynnt auk þess sem Skjár Einn verður með ýtarlega kynningu á vetrardag-skrá sinni. Framkvæmdastjóri Skjás Eins og nokkrir vel valdir dagskrárgerðarmenn mæta til kynningar á dag-skránni. Daginn eftir verður svo fjölskylduhátíð á Patreks-firði.

Eins og kunnugt er hófu íbú-ar nokkurra sveitarfélaga söfn-

un til þess að festa kaup á sjónvarpssendum til útsend-ingar í sjónvarpsstöðinni Skjá Einum. Var það gert í kjölfar þess að sjóvarpsstöðin keypti útsendingarrétt enska boltans. Þegar Síminn keypti ráðandi hlut í sjónvarpsstöðinni var ákveðið að sjónvarpa efni stöðvarinnar í gegnum síma-línur með ADSL-tækni. Var því frekari uppsetning sjón-varpssenda slegin af en jafn-fram tilkynnt að íbúar þeirra bæjarfélaga sem söfnuðu fyrir sendum nytu forgangs við uppsetningu hinnar nýju tækni.

Í stað hefðbundinnar þráð-lausrar dreifingar er sjónvarps-merkið flutt um símalínur með hjálp ADSL tengingar. Við-skiptavinir geta horft á sjón-varpið samtímis því að vafra á Internetinu. Í þessum áfanga



Eva Magnúsdóttir.

munu núverandi viðskiptavin-ir ADSL þjónustu Símans njóta forgangs hvað varðar uppsetningu þjónustunnar.

Boðið verður upp á áskrift-arleiðina „Topp 10“ og hafa viðskiptavinir þar aðgang að

sjö erlendum sjónvarpsstöðv-um auk þriggja íslenskra, sam-tals 10 stöðvum með fjöl-breyttu og skemmtilegu efni og er mánaðargjaldið fyrir þær 1.695 kr. Stöðvarnar sem um ræðir eru Skjár Einn, enski boltinn (fleiri beinar útsend-ingar), RÚV, Eurosport, Sky News, Discovery Channel, Cartoon Network, BBC Prime, MTV og DR1. ADSL viðskiptavinir Símans á ofan-greindum stöðum geta fengið frían aðgang að þremur stöðv-um, RÚV, Skjá Einum og enska boltanum ef skráning fer fram fyrir 15. desember. Uppsetning þjónustunnar verður gjaldfrjáls til 15. janúar og fer skráning eingöngu fram á vef Símans, siminn.is.

Eva Magnúsdóttir upplýs-ingafulltrúi Símans segir að

með því að dreifa stafrænu sjónvarpsefni um ADSL kerfið sé Síminn að nýta þá miklu fjárfestingu sem liggur í fjar-skiptakerfum fyrirtækisins og flýta fyrir almennri uppbygg-ingu dreifikerfisins víðar um landið, umfram það sem áður hefur verið hagkvæmt. Með dreifingunni um ADSL kerfi Símans er Skjár Einn að auka dreifingu á sínu efni. Um það bil 80% heimila landsins hafa fram að þessu náð útsending-um Skjás Eins á Breiðbandi Símans eða með örbylgju- eða UHF loftnetum og eykst dreif-ingin jafnt og þétt.

Eva segir að uppsetningar-teymi muni hefja störf í Bol-ungarvík á morgun og muni vinna við uppsetningar á teng-ingum næstu daga.

– hj@bb.is

3X-Stál kynnti nýjan gler-blástursklefa

Tæknifyrirtækið 3X-Stál á Ísafirði bauð á laugardag til kynningar á nýj-ungum innan fyrirtækisins. Nokkrar breytingar hafa orðið á framleiðslu-deild þess í kjölfar komu nýs gler-blástursklefa sem notaður verður til að meðhöndla yfirborð vara fyrir-tækisins. „Þetta er bylting í með-höndlun á ryðfríu stáli. Þess má geta að auk okkar framleiðslu komum við til með að blása allt fyrir Póls, en Marel aðstoðaði okkur við að komast yfir þennan blástursklefa með það fyrir augum“, segir Albert Högnason, þróunarstjóri hjá 3X-Stáli. – halfdan@bb.is



Albert Högnason, einn eigenda 3X-Stál sýnir Halldóri Halldórssyni, bæjarstjóra Ísafjarðarbæjar og eiginkonu hans, Guðfinnu Hreiðarsdóttur, glersalla sem notaður er til blásturs.

Aukinn launakostnaður kennara eykur rekstrarvanda sveitarfélaga á Vestfjörðum

Launakostnaður eykst um 100-120 milljónir króna á ári

Áætla má að launakostnaður sveitarfélaga á Vestfjörðum öllum aukist um 100-120 milljónir króna á ári vegna hinna nýju kjarasamninga sveitarfélaga við grunnskóla-kennara. Eins og kom fram í frétt á forsíðu má áætla að launakostnaður Ísafjarðarbæjar vegna hinna nýju kjarasamninga við kennara auki rekstrarkostnað bæjarins um á sjöunda tug milljóna á ári hverju þegar samningurinn verður að fullu kominn til

framkvæmda og með hliðsjón af þessum tölum má áætla það sem að ofan er gert.

Í fyrra voru sveitarfélög á Vestfjörðum rekin með um 184 milljóna króna halla, þar af um 99 milljóna króna halla í Ísafjarðarbæ. Eins og komið hefur fram í fréttum voru það aðeins þrjú sveitarfélög á Vest-fjörðum sem fullnýttu ekki heimildir sínar í álagningu út-svars. Með fullnýtingu heim-ilda sinna hefðu tekjur þeirra aukist um 1,5 milljónir króna.

Ef sveitarfélög á Vestfjörðum hefðu hinsvegar fullnýtt heim-ildir sínar í álagningu fast-eignaskatta hefðu tekjurnar aukist um 51,5 milljónir króna. Samtals voru því tekjuheim-ildir sveitarfélaga á Vestfjörð-um vannýttar um 53 milljónir króna í fyrra eða um helming þeirrar upphæðar sem út-gjaldaaukinn er áætlaður af hinum nýju samningum við kennara.

Fyrir dyrum standa samn-ingar við ýmis önnur stéttar-

félög starfsmanna sveitarfé-laga. Í fyrra námu launagreið-slur sveitarfélaga á Vestfjörð-um tæpum 1.780 milljónum króna. Krefjast aðrir starfs-menn sveitarfélaga svipaðra launahækkana og launane-fnd sveitarfélaga samþykkti að greiða kennurum gæti launa-kostnaður sveitarfélaga á Vestfjörðum aukist um 5-600 milljónir króna á ári. Verði það niðurstaðan mun starfsemi sveitarfélaga taka miklum breytingum. Auka þarf tekjur

eða skera niður starfsemi og þar af leiðandi þjónustu við íbúa.

Eins og áður sagði er út-gjaldaaukinn vegna samninga við kennara talinn verða á sjö-unda tug milljóna króna á ári í Ísafjarðarbæ. Til samanburðar má nefna að íþróttahúsið sem nú nýverið var hafist handa við að byggja á Suðureyri mun kosta 57 milljónir króna ef áætlanir standast.

– hj@bb.is

Íbúafundur um sameiningu Bolungarvíkur, Súðavíkur og Ísafjarðarbæjar

Flestir Bolvíkingar á móti sameiningu sveitarfélaga

Íbúar Bolungarvíkur risu öndverðir gegn hugmyndum um sameiningu kaupstaðarins við Súðavíkurhrepp og Ísafjarðarbæ á íbúafundi í Bolungarvík sem haldinn var á fimmtudag í síðustu viku. Þar var kynnt tillaga sameiningarnefndar félagsmálaráðuneytisins vegna fyrirhugaðra kosninga um sameiningu þessara sveitarfélaga þann 23. apríl í vor. Sveitarfélögin eiga að skila athugasemdum, ef einhverjar eru um tillögu sameiningarnefndarinnar, sem síðan ætla að ákveða fyrir jól hvort ástæða sé til þess kjósa um sameiningu eður ei.

„Fólk lýsti yfir skoðunum sínum og sumir voru með og aðrir á móti sameiningu en línan hallaðist þó frekar í átt þeirra sem voru á móti henni“, segir Einar Pétursson, bæjarstjóri í Bolungarvík. „Fundurinn var góður vettvangur til að ræða þessi málefni og var mjög upplýsandi fyrir mig og bæjarfulltrúa að heyra hvað íbúarnir höfðu að segja“, segir Einar.

Í greinargerð sem ráðgjafafyrirtæki hefur unnið í sam-



Bolungarvík.

vinnu við bæjaryfirvöld í Bolungarvík kemur fram að fjárhagslegur ávinningur er lítill af sameiningu og samgöngur mikill Þrándur í götu þar sem er Óshlíðarvegur. Bolvíkingum hefur fækkað um þriðjung á tuttugu árum og sýnt að sú þróun verður ekki stöðvuð að

óbreyttu. Þeir verða sífellt færri sem bera uppi samfélagskostnaðinn og sveitarfélagið stendur ekki undir skuldbindingum innan fárra ár. Afstaða fundarmanna var mjög á tilfinningalegum nótum og þeir vildu nánast allir viðhalda sjálfstæði Bolungarvíkur og

sameinast hvergi. Málefnaleg umræða um stöðu mála og næstu framtíð vék því fyrir einbeittum sjálfstæðisvilja.

Sveitarstjórnnum var gefinn kostur á því að koma á framfæri athugasemdum til sameiningarnefndarinnar fyrir 1. desember. – thelma@bb.is



Bæjarstjórn Ísafjarðarbæjar

Pakkar kennurum fyrir löghlýðni

Bæjarstjórn Ísafjarðarbæjar samþykkti samhljóða á fimmtudaginn tillögu þar sem kennurum í sveitarfélaginu er þökkuð löghlýðni þeirra í kjölfar lagasetningar Alþingis á verkfall kennara á dögunum. Sem kunnugt er mættu kennarar til starfa að lokinni lagasetningu, annað en margir kollegar þeirra annars staðar á landinu. Þeir mótmæltu lagasetningunni þó með því að mæta svartklæddir til vinnu. Tillaga sú sem bæjarstjórn samþykkti var svohljóðandi:

„Bæjarstjórn Ísafjarðarbæjar lýsir yfir ánægju sinni með að samninganefndir grunnskólakennara og sveitarfélaga hafi loks náð samkomulagi eftir langa og stranga launadeilu. Bæjar-

stjórn færir grunnskólakennurum við grunnskóla Ísafjarðarbæjar sérstakar kveðjur og þakkar fyrir þá ábyrgð sem þeir hafa sýnt í launadeilu liðinna vikna. Kennarar við grunnskóla Ísafjarðarbæjar virtu landslög og komu til vinnu sinnar þótt þeir væru ósáttir við lagasetningu. Þeir sýndu óánægju sína með táknrænum hætti í stað þess að láta hana bitna á almennu skólastarfi og nemendum grunnskólanna. Það er einlæg von bæjarstjórnar Ísafjarðarbæjar að með fyrirliggjandi samkomulagi um kjör grunnskólakennara takist að leggja grunninn að breyttu starfsumhverfi í skólunum sem friður og sátt geti ríkt um til framtíðar.“ – hj@bb.is



LÍFEYRISSJÓÐUR
VESTFIRÐINGA

VESTFIRÐINGAR!

Þeir sem fengið hafa greiðsluseðil frá Söfnunarsjóði lífeyrissréttinda vegna vangoldinna lífeyrissjóðsiðgjalda ársins 2003, en hafa greitt eða ætla að greiða til Lífeyrissjóðs Vestfirðinga vegna ársins 2003 eru beðnir að hafa nú þegar samband við skrifstofu sjóðsins.

LÍFEYRISSJÓÐUR VESTFIRÐINGA

Halnarstræti 9-13 • 400 Ísafjörður • Sími: 456 4233 • fax: 456 4710
Netfang: afgr@vest.is • Heimasíða: www.vest.is

Þjóðlegt jólahlaðborð í Hæstakaupstað

Um þessar mundir er að ganga í garð tími jólahlaðborðanna á veitingahúsum landsins. Hlaðborð þessi hafa notið gríðarlegra vinsælda undanfarin ár. Hinir nýju vertar í Faktorshúsinu í Hæstakaupstað á Ísafirði ákváðu að rifja upp matargerð fyrri tíma og buðu gestum sínum til þjóðlegs jólahlaðborðs á föstudagskvöldið. Meðal annars var boðið upp á saltfisk, skötustöppu, reyktu bringukolla og pokabaunir svo eitthvað sé nefnt. Hallgerður Gísladóttir sagnfræðingur fræddi gesti um matarhefðir fyrr á tímum en þær hefur hún kynnt sér vel og hefur m.a. gefið út bókina „Íslensk matarhefð“. Ekki



var að sjá annað en að gestum í Hæstakaupstað

líkaði vel þetta þjóðlega jólahlaðborð. – hj@bb.is

Þjóðlegar kræsingar voru á borðum.



Hallgerður Gísladóttir sagnfræðingur.



Svanhildur Þórðardóttir og Arndís Finnbogadóttir.



Olavi Körre tónlistarkennari.

Kenndi Ísfirðingum að spila eftir eyranu

Þjóðlaganámskeið var haldið í Tónlistarskóla Ísafjarðar á laugardag. Tónlistarkennarinn Olavi Körre kenndi áhugasömum að leika þjóðlagatónlist eftir eyranu og var þátttaka í námskeiðinu ókeypis.

Þátttakendur komu með

hljóðfæri sín að heiman og kenndi Olavi fólki að nýta þau til þess að spila þjóðlagatónlist eftir eyranu. Ljósmyndari bb.is kom við í Tónlistarskólanum á laugardag og tók meðfylgjandi myndir.

– halfdan@bb.is



Byssuskápar

Mest keyptu byssuskáparnir á Íslandi

- Allir skáparnir eru úr 3mm stáli
- Fimm kólfar (25mm) ganga vinstra megin úr hurð í karm
- Hurð krækist hægra megin undir karm þegar hún lokast
- Ekki er hægt að taka lykil úr skrá nema spápur sé læstur
- Skáparnir eru gataðir á baki og botni til festingar (skrúfur og tappar fylgja)
- Skáparnir eru lakkaðir með sterku lakki og brenndir við háan hita, rispast því síður
- Þrjár stærðir eru í boði: 5 byssu skápur með topphillu, 7 byssu skápur með læstu innra hólfi og 14 byssu skápur með læstu innra hólfi

Nánari lýsing:

INAL 5: Skápur fyrir 5 byssur. Hæð 140 cm · Breidd 33 cm · Dýpt 25 cm · Hæð undir hillu 25 cm.

(Hægt að koma fyrir einni lengri byssu). Þyngd: Tæp 70 kg · Verð kr. 22.980.- stgr.

INAL7PT: Skápur fyrir 7 byssur. Læst innra hólfi t.d. fyrir skotfæri. Hæð 150 cm · Breidd 75 cm ·

Dýpt 33 cm · Hæð undir hólfi 129 cm · Þyngd: Um 90 kg · Verð kr. 29.980.- stgr.

INALPT14: Skápur fyrir 14 byssur (tvær raðir). Læst innra hólfi. Hæð 150 cm · Breidd 45 cm ·

Dýpt 40 cm · Hæð undir hólfi 129 cm · Þyngd: Um 95 kg · Verð kr. 34.980.- stgr.

Byssuskápar inn um bréfalúguna?

Varla, en Veidihornið hefur samið sérstaklega við Íslandspóst um flutningsgjöld á byssuskápum til Vestfjarða. Flutningsgjöldin eru sem hér segir:

INAL5 – Skápur fyrir 5 byssur. Flutningur frá Veidihorni til Vestfjarða, kr. 2.299.-

INAL7PT – Skápur fyrir 7 byssur. Flutningur frá Veidihorni til Vestfjarða, kr. 2.707.-

INALPT14 – Skápur fyrir 14 byssur. Flutningur frá Veidihorni til Vestfjarða, kr. 2.911.-

Íslandspóstur flytur skápana heim að dyrum í stærri byggðarlögum.



VEIÐIHORNIÐ

**Veidihornið, Hafnarstræti 5,
101 Reykjavík – sími 551 6760**
**Veidihornið, Síðumúla 8,
108 Reykjavík – sími 568 8410**
www.veidihornid.is

Sirrý gerist Bolvíkingur 25. nóv.



SÍMINN FÆRIR ÞÉR STJÖRNUR SKJÁS EINS

Váttuðan stífluningsþáttur í föstudaginn 24. 11 í Miðgarðinum. Viðfarir fyrir stífluningsþáttur SKJÁS EINS, sem allar eru á ferðinni til Bolvíkingar í bók Síminn.

Kynnt verður dagarnir SKJÁS EINS þar sem mikið hefur ákvarðað indvígðingarnir til gríð Bolvíkingar hefur verið til þessa að stjórnaðir hefur dagarnir SKJÁS EINS með 7 afleiðna stjórnaðingarnir. Komdu og kynntu þú ótrúlegt ákvarðaðing.

Þú mæt þessu við hafi af skemmtilegum upplifingum þar sem meðal annars Tíli Högbláur stjórnaðingarnir að hafi SKJÁS EINS eins og hefur verið ákvarðaðing.

Höfundur til að sjá þig!
Stífluningsþáttur Síminn og SKJÁS EINS.



Stífluningsþáttur
Síminn



ritstjórnargrein

Ríkið, það er...

Með lagasvipu stjórnvalda yfir höfði sér náðu deiluaðilar í kennaradeilunni landi. Sá langi og erfiði róður ber þó ekki með sér að mikilli sátt hafi verið landað. Þvert á móti. Hugur kennara er blendinn; sveitarfélögin sögð á ystu nöf fjárhagslega, en þá fyrst taki steininn úr ef aðrar þær stéttir launþega, sem ósamið eiga um kaup og kjör, telji sig þess umkomnar að gerast sporgöngumenn kennara.

Fyrir um það bil þremur vikum hlaut bæjarstóri Ísafjarðarbæjar mikið klapp fyrir þau orð sín á fjármálaráðstefnu sveitarfélaga, að ef ekki fengjust skýr svör um afstöðu ríkisins til tekjuskiptingar á næsta fundi tekjuskiptanefndar myndu fulltrúar sveitarfélaganna ganga út. „Við töldum okkur ekki geta náð neinum árangri í þessari nefnd nema fulltrúar ríkisins breyttu afstöðu sinni til þess verkefnis að semja um tekjuskiptingu ríkis og sveitarfélaga.“ Svo mörg voru þau orð.

Ummæli Halldórs Halldórssonar, bæjarstjóra, leiddu hvorki til viðræðuslita né sýnilegs árangurs. Í Morgunblaðinu s.l. laugardag sagðist hann eiga von á að tekjuskiptanefnd yrði falið að vinna áfram í málinu. Grundvöllur þess væri þó að afstaða ríkisins breyttist. Í téðu viðtali kveðst Halldór hafa yfir 40 tilvik þar sem hallað hafi verið á sveitarfélögin í samskiptunum við ríkissjóð og nefnir þar til fáein dæmi, meðal annars að ríkið hafi áður greitt 60% af húsaleigubótum á móti 40% hlut sveitarfélaga, en nú hafi dæmið snúist við. „Við erum ekkert að ræða um grunn-skólann eða slík verkefni sem voru færð yfir með samningum. Við erum að ræða allt hitt sem hefur verið laumað yfir til okkar með breytingum á lögum og reglugerðum og EES-tilskipunum svo eitthvað sé nefnt.“

Nær ár er liðið síðan tekjustofnanefnd kom fyrst saman. Slíkur seinagangur kemur öðrum aðilanum til góða, en bitnar að sama skapi á hinum. Stóra bróður liggur ekkert á. Áfrýjunarorð um ábyrgð viðsejanda henta ekki í þessu tilfelli. Alþingi reyndist létt verk að afgreiða lögin um einkahlutafélögin, sem kosta sveitarfélögin um 1,2 milljarða á ári. Það er stór spónn úr aski þeirra. Og safnast þegar saman kemur, eins og Halldór Halldórsson, bæjarstjóri, hefur bent á.

Í sameiginlegri skattheimtu ríkis og bæja verður skipting skatttekna að vera í samræmi við verkaskiptingu. Eins og nú hallar á sveitarfélögin getur ekki leitt til annars en ófagn-aðar. Réttlát skipting skatttekna er líka forsenda þeirrar sameiningar sveitarfélaga, sem stjórnvöld beita sér nú fyrir.

s.h.

orðrétt af netinu

Váleg tíðindi fyrir Nýja-Sjáland

Mikinn glaðning rak nýlega á fjörur áhugamanna um kenningar í stjórnmálum og stjórnskipunarfræðum. Þar var á ferð sú yfirlýsing formanns Samfylkingarinnar að loftvarnir væru ekkert minna en „örjúfanlegur hluti“ af fullveldi landsins. Hvort Jean heitinn Bodin og sporgöngumenn hefðu glaðst yfir þessari sérkennilegu viðbót við fyrri hugmyndir um fullveldið er ekki gott að segja.

Hitt má telja víst að þetta séu váleg tíðindi fyrir Nýja-Sjáland sem álpaðist til að leggja niður flugher sinn fyrir nokkrum árum – það er að segja ef það er eitthvert vit í hinni nýju kenningu.

murinn.is – Steinþór Hreiðarsson

Útgefandi: H-prent ehf., kt. 600690-1169, Sólguðu 9, 400 Ísafjörður, sími 456 4560, fax 456 4564 ·

Ritstjóri: Sigurjón J. Sigurðsson, sími 892 5362, bb@bb.is ·

Fréttastjóri: Hálfán Bjarki Hálfánsson, sími 863 7655, halfdan@bb.is – **Blaðamenn:** Halldór Jónsson, sími 892 2132 hj@bb.is – Thelma Hjaltadóttir, sími 849 8699, thelma@bb.is ·

Ritstjóri netútgáfu: Sigurjón J. Sigurðsson · **Ljósmyndari:** Halldór Sveinbjörnsson, sími 894 6125, halldor@bb.is ·

Ábyrgðarmenn: Sigurjón J. Sigurðsson og Halldór Sveinbjörnsson · Lausasöluverð er kr. 250 eintakið með vsk. Áskriftarverð er kr. 215 eintakið. Veittur er afsláttur til elli- og örorkulífeyrisþega. Einnig sé greitt með greiðslukorti. ISSN 1670 - 021X



Fjölmenni var þegar fyrsta skóflustunga var tekin af ípróttahúsi á Suðureyri.

Framkvæmdir við ípróttahúsið á Suðureyri tefjast

Vinna við bygginguna hefst að fullu á næstu dögum

Framkvæmdir hafa tafist nokkuð við fyrirhugað ípróttahús sem rísa skal á Suðureyri. Tekinn hefur verið grunnur fyrir hinu nýja húsi en litlar aðrar framkvæmdir hafa verið sjáanlegar við bygginguna. Björgmundur Guðmundsson, byggingarteknifræðingur hjá Ágústi og Flosa ehf., segir að verkið hafi tafist nokkuð á síðustu vikum. Hann segir að

töluvert meiri vinna hafi verið við grunninn þar sem gömul borhola hafi verið á lóðinni sem ekki var gert ráð fyrir í útboðsgögnum. Einnig hafi veður tafið fyrir verkinu.

„Mesta töfin hefur þó orðið við hönnun á stálgrind hússins og smíði hennar. Verk okkar enska undirvertaka hefur tafist nokkuð og það hefur tafið fyrir okkar starfi“, segir Björg-

mundur. Aðspurður hvort húsið verði tilbúið í 16. viku næsta árs eins og upphaflega var áætlað treystir Björgmundur sér ekki til að spá um það. „Við reiknum með að fara að vinna á fullu við bygginguna næstu daga og tíminn verður að leiða í ljós hvort okkur tekst að standa við upphaflega tíma-áætlun“, segir Björgmundur. Í lok ágúst var tekin fyrsta

skóflustunga að nýju ípróttahúsi sem byggt verður á Suðureyri. Verktakafyrirtækið Ágúst og Flosi á Ísafirði varð hlutskarpast í alútboði á húsinu. Húsið verður á sjötta hundrað fermetrar að gólfleti og mun kosta um 57 milljónir króna. Í upphafi var reiknað með að byggingu hússins lyki í sextánda viku næsta árs.

– hj@bb.is

Góð þátttaka á haustmóti BÍ

Hið árlega haustmót Boltafélags Ísafjarðar í innanhússknattspyrnu fór fram í ípróttahúsinu á Torfnesi um helgina. Þátttakendur komu víða að, frá BÍ á Ísafirði, UMFB í Bolungarvík, Höfrungi á Þingeyri og Geisla á Hólmavík og voru frá 8. flokk og upp í 2. flokk kvenna eða frá 5 og upp í 18 ára gamlir.

Mikil stemmning myndað-

ist eins venja er á slíkum mótum bæði hjá knattspyrnuhetjunum og áhorfendum sem hvöttu sín lið áfram „Mótið er einn af hápunktum vetrarins og þá sérstaklega fyrir yngri flokkana“, segir Ásgeir Guðmundsson, þjálfari hjá BÍ-88. Mótið hófst á laugardagsmorgun og því lauk síðdegis á sunnudag.

– thelma@bb.is

Kaffihúsið Langi Mangi

Bókarkynning og einleikur

Eyvindur P. Eiríksson rit höfundur kynnir bók sína, Þ-Árbók 3, á kaffihúsinu Langa Manga á Ísafirði annað kvöld. Eyvindur og Elfar Logi Hannesson, vert á Langa Manga, flytja valda kafla úr bókinni og er öllum velkomið að

hlusta, spyrja og spjalla.

Áður en kynningin hefst flytur ungur leikari, Ársæll Níelsson frá Tálknafirði, einleikinn „Um skaðsemi tóbaksins“, eftir Anton Tsjechov. Dagskráin hefst klukkan 21.

– halfdan@bb.is



Og það var mark. Mynd: Þorsteinn J. Tómasson.



Elskulegur eiginmaður minn, faðir og afi

Halldór Ebeneserson

sem lést 18. nóvember síðastliðinn, verður jarðsönginn frá Ísafjarðarkirkju föstudaginn 26. nóvember kl. 13:30

Fríða Hólm Valdimarsdóttir

Elvar Ástráðsson Guðrún Bóasdóttir

Jón Ebba Halldórsson

Valdimar Rúnar Halldórsson Katrín Skúladóttir

Halldóra Halldórsdóttir Kristinn Lyngmo

Elías Kári Halldórsson Valgerður Torfadóttir

og barnabörn



131,- kr/kg
40%
afsláttur á kassa
veit 40ur 1218 kr/kg.

Eftir hvernig þú þyrst

Íslenskir dagar

18. - 28. nóv.

Undir nýju hötti - í léttari stærðingunni - með ferskum val

Þessi dagur er fullur af góðum og ferskum mataræði. Þú getur fengið allt frá ferskum og ferskum mataræði. Þú getur fengið allt frá ferskum og ferskum mataræði. Þú getur fengið allt frá ferskum og ferskum mataræði.



20%

Bergarnes kjötveður. Skúttakjöt, skinka, hangislegg, pepperoni-bitar, skinkubitar & bekarubitar



181,- kr/kg
25%
afsláttur á kassa
veit 40ur 1358 kr/kg.

Gourmet lambalavi úrskótt veit 40ur 1358 kr/kg.



NÝTT

1299 kr/kg.

Grænnakki með grænstafyllingu



Fyrirtækið pizzur veit 40ur 349 kr.



139 kr/kg

Nizza sjókrúbbi



659 kr.


Ljón heilubarna



Mylla braud
Lambbraud veit 40ur 189
Fyllt braud veit 40ur 129
Jökullbraud veit 40ur 99



Kexmíðir
Jökullmíðir
veit 40ur 299 kr.




95 kr/kg

Egla mjólkur 3l
Egla mjólkur 1l/2l



179 kr/kg



889 kr.

Ormu
Lambbraud veit 40ur 189

169 kr.



Milka bitar
malt og mjólk



119 kr.

Milka sjókrúbbi
karamellu og þykkunni



419 kr.

349 kr.

Óra öld
jón og mjólk

Samkaup úrval

með góðu mataræði

BB og Frummynd mæla með...

Rokkland 2004

– Ýmsir flytjendur

Pað helsta úr Rokklandinu hans Óla Palla þetta árið og frá fyrri árum. Meðal flytjenda á þessari glæsiglegu, tvöföldu 40 laga safnplötu má nefna The Libertines, Nick Cave, Keane, Starsailor, Darkness, Muse, Damien Rice



og svo Sykurmolana, U2, David Bowie, The Clash, REM, Pixies og fleiri.

Brimkló

– Smásögur

Fyrsta plata Brimklóar í heil 23 ár eða allt frá því að þeir sendu frá sér plötuna Glimt við þjóðveginn árið 1981. Þessi nýja plata sem er í ekta Brimklóar-stíl, geymir mörg frábær lög á borð við Bolur inn við bein, Þrír litlir krossar og Má ég þússa regnbogann. Löggin eru flest erlend en



þó nokkur þeirra eru ný íslensk lög en textarnir eru flestir eftir þá Jónas Friðrik Guðnason og Karl Mann. Eigulegur diskur.

Jón Sigurðsson

– Our love

Jón söng sig inn í hug og hjörtu þjóðarinnar í Idol keppninni sl. vetur. Hann komst bakdyramegin inn í úrslit Idol keppinnar því eins og margir muna var hann valinn í sérstökum aukapætti þar sem færi gafst á að velja einn keppanda til viðbótar í úrslitin. Jón þráaðist svo enn frekar við og það kunnu landsmenn að meta og lauk hann keppni í 2. sæti



með heil 50 þúsund atkvæði á bak við sig. Á þessum fyrsta disk Jóns er safn fallegra erlendra laga á borð við I Don't Want To Talk About It, Honesty, The Air That I Breathe og Annie's Song.

Nylon

– 100% Nylon

Fyrsta plata stelpnanna sem slegið hafa í gegn svo um munar í sumar. Eins og flestir vita hófst þetta ævintýri með því að framkvæmdamaðurinn Einar Bárðarson stóð fyrir opnum áheyrnarprófum fyrir söngkonur en Einar hugðist stofnsetja íslenskt „stúlkband“. Í kjölfarið fylgdu lög sem slógu í gegn, sjónvarpsþáttaröð og tónleikar um land allt.



Nú er komið að fyrstu plötu Ölmú, Emilíu, Steinunnar og Klöru, sem skipa Nylon flokkinn sem margir segja að muni jafnvel slá við ofurvinsældum Írafárs á undanförnum árum.

Stóra Stundin

– Ýmsir flytjendur

Hér er um að ræða óbeint framhald barnaplötunnar Uppáhaldslögin okkar sem seldist gríðarlega vel í fyrra en þessi plata, eins og sú fyrri, er samstarfsverkefni Skifunnar og Stundarinnar okkar. Frábær sigild barnalög í nýjum útsetningum Vignis gítarleikara og lagahöf-



undar Írafárs. Birgitta Haukdal, Jónsi, Sveppi, Nylon, Jón Sig., Hera, Selma Björns, Felix Bergsson og fleiri á geislaþlötu.

Par sem manni lí

Það er í tísku í dag að tala um útrás. Í gamla daga var mest talað um innrás og þótti það frekar slæmur gjörningur. Nú er sjaldan talað um innrásir. Síðast var það notað í opinberri umræðu þegar starfsmenn Samkeppnisstofnunar fóru í ónefnd fyrirtæki og sóttu þar gögn. Nú er svo komið að enginn er maður með mönnum í fyrirtækjarekstri nema að vera í svo og svo mikilli útrás. Það gefur

Ásgeir Kristinsson kynntist Julie konu sinni á einni af ferðum sínum með skuttogaranum Bessa í Súðavík til Englands. Eftir að þau höfðu búið um hrið hér vestra ákváðu þau að flytja í heimahaga konunnar í Grimsby. Þar búa þau nú með syni sínum Liam sem nú er þrettán ára.

Ásgeir hefur löngum stundað sjóinn. Með árs millibili hefur hann komið í snöggar ferðir til Íslands til þess að kveðja foreldra sína, þau Kristín og Línu Þóru, hinstu kveðju. Mér lék forvitni á því að vita hvernig lífið hefði verið hjá þessum gamla samverkamanni og samborgara mínum. Ég spurði hann fyrst að því hvenær þau Julie hefðu flutt til Englands.

„Það var árið 1987 sem við tókum þá ákvörðun að flytja þangað. Við fluttum þangað með því skilyrði að ég færi aldrei á sjóinn þar. Við höfum búið þar síðan, að undanskildum þremur árum sem við bjuggum í Keflavík. Skömmu eftir að sonur okkar fæddist ákváðum við að flytja tíma-bundið heim til Íslands til þess að gefa fjölskyldu minni tækifæri til að kynnst honum og eins og leyfa honum að kynnaast rötum mínum. Strákurinn fór í leikskóla í Keflavík og þar lærði hann íslensku svo vel að hann býr að því enn í dag. Hann skilur málið ennþá, en það er mér að kenna að hann talar það ekki. Kennarar hans úti hafa verið að leggja að honum að læra íslenskuna betur, en ég veit ekki hvað verður. Við bjuggum í Keflavík 1992-95. Á þeim árum var ég til sjós á ýmsum togurum hér á landi.“

Höndlari í Grimsby

– Þú sagðir að þið hefðuð flutt til Grimsby og jafnframt hefðir þú lofað Julie að fara ekki til sjós. Hvað tókstu þér fyrir hendur þegar út var komið?

„Ég fór að vinna hjá höndlara sem þjónaði skipum sem komu til löndunar í Grimsby. Þar á meðal voru mörg íslensk

óneitanlega til kynna að menn hafi verið heftir og því hafi komið til útrásar. Ævintýralegar sögur fara af þessum nútíma víkingum okkar sem mest herja á enska grund og græða helst milljarð á dag. Eða var það á viku? Svo mikið liggur við að höndla að ekki dugir að fara á milli landa nema með einkaþotum. Færri sögum fer af venjulegu fólki sem flytur milli landa af öðrum ástæðum. Ekki er það þó

skip. Það má því segja að ég hafi farið eins nálægt sjómennskunni og hægt var þegar ég kom út.“

– Voru ekki mikil viðbrigði fyrir þig, sem alla tíð hafðir búið á litlum stöðum, að flytja út í þetta stóra samfélag á Humber svæðinu?

„Jú, auðvitað voru það mikil viðbrigði. Það fann ég strax í akstrinum. Þeir keyra ennþá vinstra megin eins og allir vita. Ég hafði heimild til þess að keyra á mínu íslenska skírteini í eitt ár en eftir það þurfti ég að fara í ökuþróf.“

– Var það ekki erfitt?

„Jú, ég var skíthræddur um að falla. Þá var ég að vinna hjá höndlaranum og hafði því miklar áhyggjur þar sem ég hefði misst starfið ef ég hefði misst ökuþrófið. Ég náði hins vegar þrófinu og var auðvitað mjög glaður með það. Á síðustu árum hafa reglur verið hertar mjög þarna úti og ég er ekki viss um að ég næði þessu prófi í dag. Það er meiriháttar mál að taka ökuþróf í Englandi í dag. Það er meira að segja farið að mæla viðbrögð hjá fólki í tölvum.“

– Varstu þá ekkert ákveðinn hvað þú myndir taka þér fyrir hendur ytra?

„Neinei, við ákváðum bara að flytja út og búa þar. Við ákváðum að freista gæfunnar og eftir tvær vikur var ég kominn í vinnu hjá höndlaranum sem ég nefndi. Fljótlega eftir að ég byrjaði þar drógu komur erlendra fiskiskipa mjög saman í Bretlandi. Útflutningur í gámum héðan að heiman var þá að aukast mjög hratt og það kom auðvitað niður á svona þjónustufyrirtækjum eins og höndlararnir reka. Vinnan dróst mjög hratt saman og ég ákvað því að hætta.“

Á sjóinn aftur

– Þú hefur ekkert verið hræddur við að hætta án þess að hafa neitt annað í höndunum?

„Nei, hef aldrei haft nein- ar slíkar áhyggjur. Maður fær alltaf vinnu á endanum. Ég fann sláturhús sem eingöngu

vegna þess að það sé eitthvað ómerkilegra, trúi ég. Hvað er skemmtilegra en þegar alþýðumenn taka sig upp og flytja á erlenda grundu og heyja þar sína lífsbaráttu? Vinna ekki við það að kaupa verslanakeðjur eða flugfélög. Nei, vinna bara venjulega daglaunavinnu. Hvað er merkilegra en þegar venjulegir menn, fyrir ástar sakir, slíta upp rætur sínar og festa þær í öðrum löndum?

slátraði öndum og þar fékk ég vinnu. Það var gaman að vinna við það. Þetta var svolítið annar heimur en ég hafði vanist. Þar kom að sjómennskan var farin að toga mjög mikið í mig. Ég rakst á línubát sem var í eigu útgerðarmanns sem átti tvo slíka báta. Mér leist mjög vel á skipið. Sannleikurinn er sá, að skipin sem ég hafði séð fram að þeim tíma og gerð voru út frá Grimsby litu það illa út, að maður gat eiginlega ekki hugsað sér að vera á slíkum koppum. Þá vissi ég ekki að mörg skipanna sem gerð eru út frá Grimsby landa á öðrum stöðum og því sá maður aldrei bestu skipin. Því hafði ég byggt upp allt aðra og verri ímynd af skipaflotanum en ástæða var til. Ég hafði samband við útgerðarmann þessa fallega skips og hann réð mig strax. Ég gat ekki annað en prófað, þrátt fyrir að við hefðum rætt það að ég gerðist ekki sjómaður þarna ytra. Á þessum línubát leidd mér mjög vel.“

– Hvernig var línuútgærd háttað þarna?

„Þessi bátur var með beitningargvél og túrarnir voru flestir innan við viku og fiskinum landað ferskum. Við veiddum á mjög misjöfnum svæðum. Stundum veiddum við í Biscayaflóa og þá lönduðum við í Plymouth. Þar var veidd langa. Síðar veiddum við í Írlandshafi og þá lönduðum við í Holyhead í Wales. Þar veiddum við einhverja háfategund. Öllum afla var síðan ekið beint til Grimsby og þar var hann unninn og síðan seldur til Frakklands.“

– Var þá allur fiskur seldur á markaði?

„Já, það var reglan. Stundum var fiskurinn seldur fyrirfram en þá gildi markaðsverðið á þeim degi sem landað var. Við vorum því alfarið með markaðsverð á hverjum tíma.“

– Nú varst þú búinn að vera til sjós hér heima. Hvernig fannst þér að koma í skiprúm í Englandi?

„Það var ekki mikill munur. Eins og ég sagði áður, þá leist mér ekkert á enska flotann til

að byrja með. Það voru mann- drápsfleytur sem ég sá. Okkar línubátur var hins vegar smíðaður í Noregi og eins og við þekkjum koma bara góð skip þaðan. Mannahald og vinnubrögð voru hins vegar mjög lík því sem hér heima gerist. Maður datt fljótt inn í þetta umhverfi því það var mjög svipað því sem er hér heima.“

Kokkar og vélstjórar vinna

– Varstu háseti eingöngu?

„Nei, ég var kokkur stundum. Það var öðruvísi starf en hér heima. Þarna varð kokkurinn að vinna á dekki líka. Slíkt þekktist varla heima hér á árum áður. Sama var með vélstjórana. Þeir unnu á dekki líka. Það er annað en við þekkjum hér heima. Að þessu leyti stöndum við framar.“

– Var ekki erfitt að kokka ofan í Tjallana?

„Nei, en þeir borða öðruvísi en við. Hér heima hrúgum við kjöti á diskinn og síðan pínu- litlu af meðlæti og hellum síðan sósu yfir allt saman. Tjallinn hefur meira jafnvægi á milli þessara þátta. Þeir borða miklu meira grænmeti en við. Þetta átti ég erfitt með að skilja í upphafi. Að sjá disk þar sem ekki sást í kjöt fyrir grænmeti. Það var mjög undarlegt í fyrstu. En síðan lærði maður að meta þetta og auðvitað komst maður að því hvers konar átvögl við erum hér heima.“

– Og engin kokkteilsósa?

„Nei, aldeilis ekki. Hann þekkjast þeir ekki. Þó er ein sósa hjá þeim sem líkist henni en sú er notuð með fiskréttum.“

– Þú ferð síðar á nótaskip sem frystir aflann um borð. Eru ekki miklar útilegur á því skipi?

„Nei, ekki svo. Við erum ekki nema í mesta lagi þrjár vikur að fylla dallinn. Á síldinni erum við kannski hálfan mánuð að fylla og rúmar þrjár á makrílnum. Við veiðum eingöngu í flottroll og úr trollinu er aflann dælt um borð. Skipið er sérstakt að því leytinu að það er engin togrenna á því og því kemur trollið í raun ekki um borð nema í lok veiðiferðar. Íútliti er skipið líkara flutningadalli en fiskiskipi. Eftrollið rifnar er öðru slegið undir en ekkert gert við, því að það er engin aðstaða til þess. Um borð eru engir netamenn heldur. Við erum með fimm eða sex flottroll um borð í einu.“

Áhöfnin víða að

– Hvar eruð þið að veiðum?

„Við veiðum mest við Hjaltland og einnig veiðum við í Írlandshafi. Við erum að veiðum nánast allt árið ef undan eru skildar tvær til þrjár vikur í ágúst. Þá er dauft yfir veiðum.

Þú vel, þar er gott að búa

Skipinu er því yfirleitt lagt og þá er ætlast til þess að við tökum okkar sumarfrí. Skipið er hollenskt og skipstjórinn enskur. Það er hins vegar hollenskur fiskiskipstjóri og vélstjórnarnir eru Hollendingar. Aðrir um borð eru frá Bretlandseyjum, utan þriggja Rússa sem vinna í vélinni. Þeir eru á föstum mánaðarlaunum. Við erum 35 í áhöfn skipsins og við löndum alltaf í Hollandi og þaðan er áhöfnin flutt til síns heima.“

– Er allur aflinn frystur?
„Já, það er allt fryst. Aflanum er dælt í tanka og þaðan er hann fluttur í flokkara og síðan í vinnslu. Allur aflinn er heilfrystur.“

– Er þetta skip dæmi þess hvernig Evrópusambandsþjóðirnar komu bakdyramegin í lögsögu Englands?
„Já, einmitt. Þetta er gott dæmi um það. Spánverjarnir voru upphafsmenn að þessum æfingum. Þessi skip eru í raun að hirða af okkur fiskinn enda kemur hann aldrei í land í Englandi. Eina skilyrðið er að skipið komi einu sinni á ári í enska höfn. Fyrirtækið hefur skrifstofu í Grimsby en skipið kemur aldrei þangað.“

Lítill frí og litlar tryggingar

– Hvernig er með frí á þessum skipum?
„Það er ekkert fríakerfi eins og þekkjast hér heima. Strangt til tekið geturðu tekið þér frí túr og túr en það er horft á þig stórum augum ef þú biður um það. Það er ætlast til þess að menn noti tímann á milli túra og þegar skipinu er lagt. Það er ekki vel séð að menn taki sér önnur frí og fæstir gera það. Stoppið á milli túra er um það bil fimm dagar. Síðan geta stoppin verið lengri þegar viðgerðir eiga sér stað. Á skipunum sem sama fyrirtæki gerir út í Hollandi fá sjómennirnir hins vegar frí eftir ákveðnu kerfi. Við erum því aftur á merinni en Hollendingarnir heima hjá sér.“
– En hvað með önnur réttindi? Hvað gerist ef þú veikist?
„Þá stoppar allt. Það er allt frosið í þeim málum. Ég hef árum saman reynt að kaupa mér tryggingu hjá tryggingafélögum úti, sem sjómaður. Það er hins vegar eins og að labba á steinvegg. Það fær enginn sjómaður tryggingu hjá tryggingafélögum úti. Það kom mér mikið á óvart. Um leið og þú nefnir orðið sjómaður, þá fara tryggingasalar í baklás. Það vill enginn af okkur vita.“
– Hefur þú lent í veikindum?
„Já, ég fékk brjóska í baki og var frá vinnu í þrettán mánuði. Það var mjög langur biðlisti eftir aðgerð. Fyrstu 26

vikurnar fékk ég greidd 100 pund á viku frá útgerðinni. Það sem verra var, þessi upphæð var greidd í einu lagi eftir á. Það veldur manni því óneitanlega miklum áhyggjum hversu aftarlega á merinni þeir eru þarna úti í réttinda- og öryggismálum.“
– Nú hefur maður staðið í þeirri meiningu að Evrópusambandið væri mjög framarlega í þessum málum.
„Já, ég veit það. En svona er þetta nú hvað okkur sjómennina varðar.“

Kvarta ekki undan laununum

– En hvað með launin? Eru þau sambærileg við það sem tíðkast hér heima?
„Launin eru fín, finnst mér. Nú er svo langt síðan ég hef verið hér heima við störf að ég hef ekki nákvæman samanburð. Ég kvarta hins vegar ekki. Við erum með um 2.500 pund fyrir síldartúrinn og upp í 5.000 pund fyrir makrílinn. Hann er verðmætari en er flokkaður í fjóra flokka, þannig að ef við lendum í smáum fiski, þá er hluturinn auðvitað lægri sem því nemur. Við erum á aflahlut eins og tíðkast hér heima. Makríllinn er veiddur fyrri hluta ársins og þá dettur engum í hug að fara í frí. Tekjulega séð er því ekki slæmt að vera til sjós í Englandi. Uppgjör eru líka í mjög föstum skorðum og ekkert undan því að kvarta.“
– Eru sjómenn á öllum aldri þarna úti?
„Nei, stéttin er að eldast. Ungir menn fara ekki til sjós í dag. Þetta er kannski heldur ekki orðin nein sjómennska í dag. Sumir koma aldrei upp á dekk. Þetta er að miklu leyti orðin verksmiðjuvinna og það finnst ungu fólki ekki spennandi. Það er hins vegar slegist um dekkplássin. Þau eru þrjú á okkar skipi og til þess að þar skipti um menn þarf einhver þeirra þriggja að deyja. Það er rólegra starf. Trollið er tekið að skipshliðinni og síðan er dælt er úr því og annað gera þeir ekki. Það er því vinsælla.“
– Nú er mikið talað um brottkast hér heima. Tíðkast það hjá ykkur?
„Já, það kemur fyrir. Auðvitað reyna menn að hirða allt en oft er það ekki hægt. Veiðinni er tímabilaskipt og svæðaskipt. Fiskurinn er hins vegar ekki með þær reglur á hreinu og kemur oft í trollið á vitlausum tíma. Sé ekki rétti árstíminn verðum við að kasta honum aftur í hafið.“
– Hvernig er mórallinn um borð? Er hann svipaður og hér?
„Já, þetta er mjög svipað og hér heima. Það eru ávallt svipaðir karakterar sem sækjast til sjós.“

Englendingar og fótboltinn

– Nú eru Englendingar skemmtilegt fólk, ekki satt? Hvernig kanntu við þá í heild sinni og þeirra siði?
„Ég kann vel við þá. Það eru auðvitað svartir sauðir þar innan um eins og annars staðar, en í heildina eru þeir hinir bestu menn. Íslendingar hugsa alltaf um fótbolta þegar Tjallinn er nefndur og það er mikill áhugi á fótbolta þar. Ég hef töluverðan áhuga en fer ekki mikið á völlinn. Ég lét sófann duga. Það eru orðnar svo tíðar útsendingar í sjónvarpi að það dugir mér alveg. Ég horfi á Sky og meira þarf ég ekki. Það eru útsendingar flest kvöld vikunnar enda er aðsókn farin að minnka hjá flestum liðum. Aðeins allra stærstu félögin hafa ekki verið að tapa áhorfendum að undanförmu. Hvað mína menn í Grimsby varðar, þá fylgist ég ekki mikið með þeim. Trúlega vegna þess að fjendurnir í Hull eru deild ofar, sem er ekki vel séð.“
– Er ekki mikið af Íslendingum á Humbersvæðinu?
„Jú, þegar ég var að vinna hjá höndlaranum áttaði ég mig á því hversu margir landar okkar búa þarna. Þá kynntist ég mörgum þeirra. Þegar Vigdís forseti kom eitt sinn í heimsókn var öllum boðið og þá varð maður steinhissa á fjöldanum. Ég hef hins vegar aldrei rekist á félagsstarfsemi þeirra. Það starf er trúlega í Hull því ég held að þeir búi þar fleiri. Á milli íbúanna í Hull og Grimsby er gríðarlegur rígur. Þeir eru mjög grobbnir í Hull og erfitt að vinna með þeim. Því eru áhafnir skipa ekki mjög blandaðar mönnum frá þessum stöðum. Það er gert af þeirri einföldu ástæðu að þeir geta ekki unnið saman og þola illa að umgangast hverjir aðra.“

Gat ekki tileinkað sér pöbbana

– Er ekki mikill uppgangur á Humbersvæðinu?
„Jú, en hann er þó mun meiri á Hullsvæðinu. Þar hefur orðið meiri uppbygging þrátt fyrir að nýi fiskmarkaðurinn sé í Grimsby. Skipaumferð hefur hins vegar minnkað mikið á báðum stöðum vegna þess að mest af fiski kemur í gámum.“
– Þú hefur ekki verið í vandræðum með að aðlagast pöbbamenningunni?
„Jú, það er svo skrítið að ég hef aldrei skilið þessa pöbbamenningu þeirra. Þegar menn eru í landi, þá eru þeir komnir á pöbbinn fyrir hádegi og sitja þar fram að lokun á kvöldin. Ég gerði heiðarlega tilraun til þess að falla inn í þessa hefð en gat það bara ekki. Ég skil



– viðtal við Ásgeir Kristinsson, sjómann í Grimsby

ekki hvernig fjölskyldumenn geta setið þarna daginn út og daginn inn yfir engu. Það er mér algjörlega óskiljanlegt. Þá vil ég frekar hafa það eins og við gerum hér heima. Við Julie förum stundum út að skemmta okkur um helgar eins og maður gerði hér heima. Það finnst mér miklu eðlilegri lífsmáti.“
– Tölum aðeins um Evrópusambandið. Eru sjómenn mikið að velta því fyrir sér?
„Nei, menn vilja ekkert af því vita. Menn leiða almennt alla slíka umræðu hjá sér. Hér heima vilja menn allt vita um öll mál en þarna leiða menn þessa umræðu hjá sér. Það fannst mér erfitt að venja mig við.“
– En þorskastríðin. Tala menn ennþá um þau þarna úti?
„Já, það gera menn. Sjómenn gera það hins vegar ekki nema í jákvæðum tón. Þeir skilja í dag hvers vegna við

vorum að þessu. Það er svo skrítið, að sú stétt sem þessi deila hafði mest áhrif á, hún hefur nú mestan skilning á okkar málstað. Fyrst eftir að ég flutti út varð maður var við umtal vegna þessara deilna okkar. Það var nú yfirleitt á skemmtistöðum og hjá eldra fólki. Það fólk þurfti auðvitað að gjalda fyrir þær breytingar og þetta var þetta erfitt tímabil fyrir fólk í kringum sjávarútveg. En ég leiddi þessi leiðindi hjá mér.“
– Ertu orðinn Tjalli?
„Ekki segi ég það nú. Hins vegar minnka tengslin með árunum. Ég er lítið á ferðinni og þegar foreldrnir eru farnir, þá minnka tengslin auðvitað eitthvað. Við höfum frekar valið að ferðast suður á bóginn í okkar litlu fríum saman. Ég er mjög ánægður með mitt líf í Englandi og hef ekki undan neinu að kvarta. Þar sem

manni líður vel, þar er gott að búa. Flóknara er það ekki. Hvað framtíðin ber í skauti sér veit enginn, sem betur fer.“
– Þar með er Ásgeir Dengsa rokinn. Stoppaði alltof stutt að sínu mati. Hann var svo heppinn að túrinn var að enda og fékk að skjótask fyrir í land en ella þegar hann fékk fréttir af andláti móður sinnar. Flaug heim til að kveðja hana hinstu kveðju.
Ásgeir hefur lítið breyst. Var eins og maður mundi hann. Talar líka eins. Gömlu góðu íslenskuna. Engar slettur og lítill sem enginn hreimur. Sumir menn tapa málinu á stuttri ferð í útlöndum. Og sumir eru svo lærðir og upp-teknir af sjálfum sér að þeir geta ekki talað íslensku lengur. Skyldi þeim líða vel þar sem þeir búa?
–Halldór Jónsson.



– rætt við Sigríði Björk Guðjónsdóttur, sýslumann á Ísafirði, um hlutverk og framþróun embættisins

Stefnan sett á öflugra og betra embætti

– Sýslumannsembættið er með árangurstengdan samning við dómismálaráðuneytið. Hvað felst í því?

„Á árunum 1998-99 gerði dómismálaráðuneytið árangurstengda samninga við nokkur sýslumannsembætti. Embættið í Hafnarfirði gekk þá á undan sem nokkurs konar fyrirmyndarembætti.

Í ár er verið að gera nýja árangurstengda samninga við flestöll sýslumannsembætti og til þess ætlast að þeir séu unnir hjá embættunum sjálfum frá grunni. Meiri kröfur eru gerðar til mælanlegs árangurs af starfi lögreglunnar. Ekki er nóg að við fáum ákveðið fjármagn til að sinna löggæslustörfum. Dómismálaráðuneytið vill líka fá að vita hvernig við verjum peningunum og hver sé árangurinn. Lögreglan á Ísafirði hefur til dæmis til margra ára lagt mikla áherslu á forvarnastarf sem hefur haft það í för með sér að fækkað hefur í ýmsum brotaflokkum, s.s. skemmdarverkum og ýmsum unglingavandamálum. Lögreglan hefur verið virk í VáVest-hópnum, sem hefur átt stóran hlut í þeim árangri sem hefur náðst, en unglingadrykkja og fíkniefna-neysla hafa minnkað til muna á okkar svæði. Rannsóknir sem gerðar hafa verið á vímuefnaneyslu ungmenna á norðanverðum Vestfjörðum staðfesta þetta en þar er Ísafjörður kominn talsvert undir landsmeðallag.

Það er hins vegar ekki nóg að einn aðili sé að vinna í þessum málaflokki. Allir verða að leggja sitt af mörkum. Nú er til dæmis í bígerð að efla enn forvarnir í Mennta-

skólanum á Ísafirði. Skólastjórnendur hafa átt frumkvæði að því átaki og lögreglan er einn af samstarfsaðilunum ásamt Skóla- og fjölskylduskrifstofu Ísafjarðarbæjar og nemenda- og foreldrafélögum.“

Ekki sífellt að reyna að finna upp hjólið

„Það sama gildir um árangurstjórnun. Þar verða allir starfsmenn að vera þátttakendur. Við tókum upp reglulega starfsmannafundi og einn liður í þeim var að einn starfsmaður kynnti verkefni sín fyrir samstarfsmönnum. Í ljós kom að þótt við þekktum meginatriðin hvert hjá öðru, þá var samt ýmislegt sem kom á óvart þrátt fyrir að fólk hefði unnið saman um árabíl. Stefna embættisins hefur verið að koma á meira flæði innan skrifstofunnar og draga úr sérhæfingu til þess að fólk geti gengið í störf hvers annars. Sömu áherslur eru varðandi lögreglu. Ekki á að skipta máli hvenær borgarinn kemur inn, hann á að fá mál sitt afgreitt jafnvel þó að aðalsérfræðingurinn sé ekki á staðnum. Hjá embættinu hér hafa verið óvenju margar barnsfæðingar og þar af leiðandi fæðingarorlof. Það hefur gert það að verkum að við höfum þurft að hlaupa í störf hvers annars og þekkingin hefur þar af leiðandi breiknað.

Upphaflega hugmyndin um árangurstjórnun kom frá fjármálaráðuneytinu 1996 en þá var byrjað að færa opinberar stofnanir meira inn í umhverfi einkageirans. Gerðar voru

Sigríður Björk Guðjónsdóttir tók við sýslumannsembættinu á Ísafirði árið 2002. Sá tími sem síðan er liðinn hefur verið viðburðaríkur. Sigríður hefur einbeitt sér að því að hlúa að sterkum stöðum embættisins og gera það enn betra og öflugra. Framtíðarsýnin er sú að stofnunin verði að öflugri miðstöð opinberrar stjórnsýslu og veiti sífellt

strangari kröfur um að rekstrarþátturinn væri í lagi og starfsemi yrði árangurstengd enda þótt um væri að ræða ríkisstofnanir. Þessir árangurstengdu samningar reyndust misvel til að byrja með en nú er önnur kynslóð þeirra komin í gagnið. Allir starfsmenn stofnunar þurfa að setjast niður og velta fyrir sér hvert hlutverk hennar er, hvert skuli stefna, hvernig hægt sé að komast þangað og hvernig unnt sé að meta árangur. Áður fyrr var aðallega horft á reksturinn og hvort hann væri innan fjárlaga eða ekki. Slíkt er hins vegar alls ekki eini mælikvarðinn á árangur. Reksturinn er bara ein vísbending um það.

Við skiluðum þriggja ára stefnumótun fyrir á þessu ári. Árlega verðum við að skila inn skýrslu þar sem fram koma bæði jákvæðir og neikvæðir þættir starfseminnar, hvað við ætluðum við að gera og hvernig til tókst, meðal annars í sam- anburði við önnur embætti. Til að byrja með má reikna með því að einhver markmið séu óraunhæf en einhvers staðar verður að byrja. Mjög mikilvægt er að hvert og eitt em-

bætti sé ekki sífellt að reyna að finna upp hjólið heldur læri hvert af öðru. Samstarfið á milli embætta þarf að auka. Í þessu sambandi má nefna að það er miklu þéttara samskiptanet milli skattstjóra en sýslumanna. Auðvitað eigum við að vinna á sömu forsendum í Bolungarvík, á Patreksfirði, í Reykjavík og á Akureyri og svo framvegis. Öll erum við að bjóða sömu þjónustu og því er mikilvægt að hittast og læra hvert af öðru. Nú er til dæmis í smíðum skóli fyrir sýslumannsembætti þar sem á að stórefla möguleika á framboði fræðsluefnis. Hlúa þarf að símenntun og halda starfsmönnum ánægðum því að þetta stendur allt og fellur með þeim en ekki með kerfinu sem slíku.“

Áhersla á bætta þjónustu

„Í stefnumótun embættisins er lögð áhersla á bætta þjónustu. Sem dæmi má nefna að afgreiðslutími embættisins er í endurskoðun og heimasíða sýslumannsembætta er loks að fæðast eftir langa og stranga

betri þjónustu í samræmi við vaxandi kröfur samfélagsins. Ekki alls fyrir löngu lauk Sigríður stjórnunarnámi fyrir yfirmenn í löggæslu. Í kjölfarið var hún valin fulltrúi Íslands í verkefni evrópskra lögregluskóla sem 25 Evrópuríki taka þátt í og mun ljúka því í vor. Bæjarins besta ræddi við Sigríði um starfið og hvað í því felst.

meðgöngu. Starfsmenn embættisins hafa verið virkir við að koma með hugmyndir um hvað betur megi fara.

Þá er mikilvægt að bregðast við því að við búum í fjölmenningsamfélagi og viljum bæta þjónustuna við þá sem ekki eru fæddir hér. Til dæmis höfum við sótt um styrk til Starfsmannafélags ríkisstofnana til þess að vera með tungumálanámskeið inni á embættinu. Hugmyndin er að búa til orðalista í þágu viðskiptamanna og starfsmanna.“

– Hvar stendur sýslumaðurinn á Ísafirði í sam- anburði við önnur embætti?

„Reksturinn hefur gengið vel en það er sífellt baráttan að halda fjármálunum í lagi og ekki alltaf hægt að sjá fyrir þróun útgjalda. Að mínu mati er veitt góð þjónusta bæði á sýsluskrifstofu og hjá lögreglu en spurningin er auðvitað hvernig og hvort það er mælanlegt. Er til dæmis hægt að ætlast til þess að fólk sem hefur misst húsið sitt á nauðungarsölu upplifi það að hafa fengið góða þjónustu hjá embættinu? Auðvitað er það ekki ánægt með að missa húsið sitt – en

það gæti hafa fengið góðar upplýsingar og gott viðmót. Hin hliðin væri svo hvort kröfuhafinn væri ánægður með sölnu.

Sömuleiðis getur verið erfitt að mæla árangur lögreglunnar. Er það til dæmis vísbending um góðan árangur lögreglunnar að það séu tíu bílar stöðvaðir milli klukkan 17 og 18 á Skutulsfjarðarbrautinni fyrir of hraðan akstur? Það nefnilega segir lítið um árangurinn að það séu tíu bílar stöðvaðir af lögreglu í dag en tveir á morgun. Mælikvarðinn fæst ef 100 bílar eru taldir á Skutulsfjarðarbrautinni og hve margir af þeim aka of hratt í dag, á morgun eru 100 bílar taldir og hve margir eru stöðvaðir þá og þannig koll af kolli.

Gaman er að segja frá því að hingað komu tveir lögreglumenn frá umferðardeild ríkislögreglustjóra og voru mjög ánægðir með mælingarnar. Þeir tóku sérstaklega eftir því hversu umferðarhraðinn reyndist í samræmi við umferðarlögin. Þá voru einmitt aðeins tveir af hundrað bílum teknir fyrir of hraðan akstur á annatíma. Á sama tíma virðist

málafjöldi embættisins vegna umferðareftirlits vera að dragast saman – sem gæti bent til annars tveggja: Meiri löghlýðni í samfélaginu eða minna eftirlits af hálfu lögreglu. “

Landsbyggðin sitji við sama borð

– Símenntun hefur væntanlega verið að eflast jafnt og þétt í gegnum árin.

„Eins og fram hefur komið er áhersla á fræðslu og símenntun að aukast verulega. Í því efni skiptir miklu að landsbyggðin sitji við sama borð og höfuðborgin, annað hvort að farið sé með námskeiðin út á land eða myndaður verði ferðasjóður fyrir embætti á landsbyggðinni. Auðvitað er ákveðin mismunun fólgin í því að það kostar margfalt meira að senda starfsmann á námskeið til Reykjavíkur þar sem flest námskeið eru haldin. Þetta felst ekki einungis í mismunun hvað varðar kostnað fyrir hvert námskeið heldur getur þessi þáttur einnig minnkað þátttöku starfsmanna af landsbyggðinni og skert þannig samkeppnishæfi þeirra og símenntun. Menn eru aðeins farnir að átta sig á þessu. Til dæmis var námskeið vegna nýrrar málaskrár lögreglu haldið nýlega á Ísafirði fyrir lögreglu á Vestfjörðum. Það er frábært framtak af hálfu ríkislögreglustjóra. Auðvitað bindum við miklar vonir við stofnun háskóla eða háskóla-útibús hér á Vestfjörðum, sem gæti aukið möguleika starfsmanna verulega.

Nefna má í þessu sambandi að Lögregluskóli ríkisins er farinn að bjóða stjórnunarnám fyrir stjórnendur lögreglu í samstarfi við Endurmenntun Háskóla Íslands. Í vetur eru tveir lögreglumenn frá Ísafirði í náminu, varðstjóri og lögreglufulltrúi, og markmiðið er mennta alla yfirmenn í lögreglunni á Ísafirði. Mín skoðun er sú að þetta nám eigi eftir að auðvelda samstarf og markmiðasetningu í lögreglu um land allt og auka gæði innan lögreglunnar. Skólinn tekur verulegan þátt í kostnaði vegna námsins, sem og námsmenn sjálfir. Þetta er til mikilla bóta í menntunarmhverfi lögreglu.“

Fulltrúi íslenskrar lögreglu í Evrópuverkefni

Sigríður Björk hefur ásamt Önundi Jónssyni yfirlögregluþjóni á Ísafirði lokið tveggja anna sérnámi fyrir stjórnendur í lögreglu. „Eftir lögreglunám síðastliðinn vetur bauðst mér að taka þátt í námi sem heitir Topspoc – Top Senior Police Officers Course – og er ársverkefni. Lögregluskólinn velur sinn þátttakanda en þetta er í þriðja sinn sem Íslandi er boðið að vera með. Eiríkur Hreinn Helgason kennari við Lögregluskólann fór árið áður. Námið felst í fjórum námskeiðum sem standa viku í

senn – í Hollandi, Frakklandi, Bretlandi og Svíþjóð. Þátttakendur eru 29 frá 25 Evrópulöndum og þarna eigum við að fjalla um ýmis mál tengd samvinnu milli landa og lögreglumálefni fyrir lögreglustjórnendur. Við vinnum verkefni í hópum sem öll tengjast lögreglusamstarfi milli landa með einum eða öðrum hætti. Þarna koma til skoðunar ýmis áhugaverð málefni, eins og til dæmis hvort efla eigi Europol eða hvort dýpka eigi samstarf landa á milli með milliríkjasamningum. Til dæmis er verið að búa til samning á milli Benelux-landanna þar sem þau eru að breyta samstarfsformi sínu, dýpka það og búa til reglur svo að landamæri verði ekki lengur hindrun. Þessi samningur gæti orðið fyrirmynd fyrir önnur Evrópulönd þegar þar að kemur.

Þátttakendurnir koma ekki bara frá ólíkum löndum heldur einnig frá ólíkum embættum. Til dæmis stjórnar einn samstarfsmaður minn í hópverkefninu rúmlega 5000 lögreglumönnum en á Ísafirði eru 13 lögreglumenn í fastri stöðu auk fjögurra héraðslögreglumanna. Liðið á Ísafirði er ekki mjög lítið á íslenskan mælikvarða, sennilega í 8.-9. sæti af 25 lögregluliðum. Þátttakendur eru allir stjórnendur í lögreglu en koma ekki að náminu sem diplómatar heldur sem einstaklingar.

Um þessar mundir virðast Evrópuþjóðir standa frammi fyrir sömu spurningunum: Hvert er hlutverk lögreglu, hvernig getum við veitt borgurum góða þjónustu, hvernig tryggjum við öryggi borgarans? Við sjáum heilmikið líkt með löndunum en finnum líka hve uppbyggingin á lögreglunni er ólík. Ísland virðist skera sig úr hvað varðar greiðar boðleiðir fyrir aðstoð eða upplýsingar erlendis frá, þar sem þær eru stuttar ef við þurfum á slíku að halda. Þá höfum við greiðan aðgang að dómsmálaráðuneyti og jafnvel ráðherra ef á þarf að halda. Í mörgum Evrópulöndum eru margir milliliðir og það getur tekið óratíma að fá niðurstöðu í einstökum málum.

Stjórnkerfi lögreglu er eins og pýramídi. Slíkt hefur ýmsa kosti, svo sem skýrar boðleiðir. Að mínu mati þarf þó að fletja skipulagið út svo að fleiri komi að stefnumótun og beri ábyrgð á starfsemi lögreglunnar en ekki bara á einstökum verkefnum. Fjármál stofnunarinnar eiga að vera opin starfsmönnum enda er það hagur allra að vel takist til. Samt má ekki gleyma því að lögreglan hefur heimild til valdbeitingar og því er agi og skýrar reglur um ábyrgð og forræði stjórnanda grundvallaratriði. Það þarf að reyna að sameina þessa tvo þætti við stjórnun lögregluliðs. Við eigum að gæta öryggis borgaranna og veita þeim þjónustu. Það er okkar fyrsta skylda.

Lögreglan hér á Ísafirði er með mjög breitt verksvið. Við náum að sinna öllu því sem

kemur upp, sem kannski væri ekki hægt á stærri stöðum, þannig að smæðin hjálpar okkur. Við erum með sólarhringsvakt og alltaf er einhver á stöðinni. Erfiðast er að finna mælikvarða fyrir lögregluna hvenær hún sé að standa sig vel. Nauðsynlegt er að finna einhverja góða leið til að meta árangur. Ekki er nóg að telja bara fjölda brota í hverjum brotaflokki. Eitt af því sem við erum að velta fyrir okkur er þátttaka lögreglunnar í samfélaginu og nánara samstarf við stofnanir og félög.“

Breytt heimsmynd líka á Íslandi

„Lögreglan starfar í breyttu umhverfi og má í því sambandi nefna hryðjuverkaógnina. Unnið er að því að efla sérsvेतina og lögregluliðin svo unnt sé að takast á við verkefni eins og meðal annars glæpahringi sem sækjast eftir ítökum á Íslandi. Öryggiskröfur um hafnir og flug eru strangari en áður var og lögreglan þarf að fylgjast vel með, vera þjálfuð og vel búin tækjum til að takast á við nánast hvað sem er. Hitinn og þunginn er auðvitað á Keflavíkurflugvelli þar sem frábært starf hefur verið unnið.

Árlegur sýslumannafundur var að þessu sinni haldinn í Vestmannaeyjum á haustmánuðum. Þar kom meðal annars fram í máli Suzönnu Becks, aðstoðaryfirlögregluþjóns hjá lögreglunni í London, að Ísland þurfi líka að huga að hryðjuverkaógninni og að við séum ekki ónæm frekar en önnur lönd í Evrópu. Í þessu sambandi má nefna að dómsmálaráðherra hefur meðal annars beitt sér fyrir því að sérsvetit íslensku lögreglunnar verði eflað en hún á að þjóna öllu landinu. Allir lögreglumenn á Ísafirði eru skotþjálfaðir og stunda reglulegar æfingar. Öryggiskröfur hafa aukist verulega á landinu eftir að 11. september 2001 breytti heimsmyndinni – líka á Íslandi. Við erum að vakna upp við það að þó við séum hér í sveitasælunni og ekki sé mikið um daglegar ógnir, þá þurfum við að vera undirbúin.

Þá eru almannavarnir þáttur í starfsemi embættisins sem hefur mikið vægi. Æfingar eru mjög mikilvægar í þeim málaflokki. Nefna má flugslysæfinguna sem haldin var í vor, þar sem æfðar voru saman allar einingar sem koma að leit og björgun, svo sem björgunar-sveitir, slökkviliðið, almannavarnadeild ríkislögreglustjóra, heilbrigðisstarfsmenn, bæjarstarfsmenn og lögreglan. Æfingin tókst vel en mikilvægast í því sambandi var að mínu mati að þjappa saman viðbragðsaðilunum og þjálf þá í samstarfi hvern við annan. Með sama hætti kom fram við brunæfingu í Vestfjarðagöngum fyrir nokkrum árum að fjarskipti voru ekki nægilega góð. Þá gátum við knúið á um að fjarskipti í göngunum voru bætt. Æfingar eru til þess



að fólk sé undirbúið ef eitthvað skyldi gerast.“

Öflugra og betra embætti

„Grundvallaratriðið er að framfarir verða ekki í stjórn-sýslunni nema allir séu samtaka. Hver og einn starfsmaður er ásýnd embættisins hvað hans starfsvið varðar. Mjög mikilvægt er að gera sér grein fyrir því að við erum þjónustufyrirtæki, þótt þjónustan sé ekki alltaf jákvæð gagnvart þeim sem hennar nýtur. Aðgengi að embættinu þarf að opnast og við þurfum að auka gagnvirk samskipti við borgarann með rafrænum hætti. Þar mætti til dæmis taka skattkerfið til fyrirmyndar, þar sem flestöll samskipti geta farið fram á rafrænan hátt. Þegar ég hóf störf á Skattstofu Vestfjarðaumdæmis árið 1996 voru öll framtöl á pappír og yfirfara þurfti framtölin og skrá samtölur úr þeim inn í tölvugrunn. Við þurfum að hafa netþjónustu samhliða þeirri þjónustu sem við veitum nú þegar á

skrifstofunni. Frá samfélaginu eru auknar kröfur um að sýslumannsembættið standi sig á þennan hátt og nú verður lögð áhersla á það. Embættið er ekki til fyrir sjálft sig heldur fyrir borgarann sem það veitir þjónustu.“

– Má þá almenningur búast við því að sjá miklar breytingar á næstu árum?

„Ferlið er hægfara og ekki hægt að vinna það öðruvísi en skref fyrir skref. Áherslan er á opnari stjórnsýslu en ferlið er hægvirkt og tekur í raun aldrei enda. Það eru engar skyndilausnir til því að nýjar hindranir koma ávallt í ljós og þegar einum áfanga er náð er komið að næsta verkefni. Stundum er ferlið þannig að við förum tvö skref áfram en eitt til baka. Svo er samfélagið að breytast og sýslumannsembættin þurfa að breytast með þeim. Það verður til dæmis fróðlegt að sjá hver þróunin verður við frekari sameiningu sveitarfélaga. Ennfremur eru lögregluumdæmin í endurskoðun hjá sérstakri nefnd og ríkisreksturinn allur hjá annarri nefnd, þannig að umhverfið er breyti-

legt og spennandi tímar framundan.“

– Sérðu sjálfa þig áfram í sýslumannsembættinu á Ísafirði?

„Það er erfitt er að svara því. Ég kom fyrst til Ísafjarðar 1996 sem skattstjóri og varð strax mjög ánægð hér – hef fundið mig eiga hér heima umfram aðra staði hérlendis eða erlendis. Ég var sem sagt að koma heim þegar ég tók við sýslumannsembættinu eftir að hafa verið í námsleyfi frá skattstjóraembættinu í tæp tvö ár. En ég er skipuð til fimm ára í senn og umboð mitt sem sýslumaður á Ísafirði rennur út 2007. Ég veit ekki hvert framhaldið verður eftir það. Ég vona bara að embættið verði þá betra og öflugra eins og stefnt er að. Embættið hefur á að skipa mjög góðu fólki og því þarf að styrkja þær stöðir og gæta þess að við stefnum í rétta átt á viðunandi hraða“, segir Sigríður. Hún er kona sem lítur á heildarmyndina, hlúir að starfsmönnum sínum og leiðir þá í átt að sameiginlegri framtíðarsýn.

– thelma@bb.is

Verðlaun Jónasar Hallgrímssonar afhent í Safnahúsinu á Ísafirði

Silja Aðalsteinsdóttir rithöfundur fékk 500 þúsund króna styrk

Silja Aðalsteinsdóttir rithöfundur hlaut verðlaun Jónasar Hallgrímssonar, á degi íslenskrar tungu, sem afhent voru við hátíðlega athöfn í Safnahúsinu á Ísafirði. Þorgerður Katrín Gunnarsdóttir menntamálaráðherra afhenti verðlaunin en ráðgjafanefnd sem skipuð var vegna verðlaunaafhendingarinnar sagði í rökstuðningi sínum meðal annars: „Silja hefur lengi sinnt íslenskri tungu og menningu af dugnaði, metnaði og alúð. Árið 1981 kom út eftir hana íslensk barnabókmenntasaga, sú eina sem skrifuð hefur verið hér á landi og mikið brautryðjendaverk, en þar er fjallað um íslenskar barnabækur 1780-1979. Silja vakti mikla athygli ungs fólks fyrir bók sína um Bubba árið 1990 en eitt merkasta rit hennar er án efa ævisaga Guðmundar Böðvarssonar, en fyrir þá bók hlaut hún Íslensku bókmenntaverðlaunin árið 1994.“

Silja hlaut að launum 500

þúsund krónur og ritsafn Jónasar Hallgrímssonar í skinnbandi. Menningarsjóður Íslandsbanka og Sjóvá-Almennar leggja til verðlaunin.

Þá hlutu Kvæðamannafélagið Iðunn og Strandagaldur á Hólmavík sérstakar viðurkenningar og listaverk eftir Brynhildi Þorgeirsdóttur. Í rökstuðningi ráðgjafanefndarinnar segir um Iðunni:

„Kvæðamannafélagið Iðunn var stofnað 15. september árið 1929 og hefur tilgangur þess frá upphafi verið að æfa kveðskap og safna rímnalögum og alþýðuvísum. Félagið hefur um áratuga skeið haldið á lífi sérstæðum kvæða- og tónlistararfi Íslendinga og gefið ungu fólki tækifæri til að kynnst honum. Á 75 ára afmæli sínu, hinn 15. september sl. gaf félagið út fjóra geisladiska með 200 fyrstu stemmunum sem teknar voru upp á silfurplötur á árunum 1935-1936. Slík útgáfa er ómetanleg heimild um þennan menning-

ararf. Kvæðamannafélagið Iðunn fær viðurkenningu fyrir starf sitt á degi íslenskrar tungu 2004.“

Og um Strandagaldur segir: „Strandagaldur er menningar- og fræðslustofnun. Tilgangur hennar er að standa að rannsóknum og draga saman vitneskju um galdraöldina á Íslandi, þjóðsagnir, hugmyndaheim og menningararf Strandasýslu sem tengist göldrum, á eigin vegum eða í samstarfi við aðra. Stefnt er að stofnun fræðaseturs um menningararf Strandamanna. Strandagaldur stendur fyrir fjölbreyttri starfsemi. Þekktust er líklega Galdrasýning á Ströndum, lifandi og skemmtileg sýning á Hólmavík og í Bjarnarfirði. Sýningin var einnig sett upp í Norræna húsinu í október sl. og voru margvíslegir menningarviðburðir skipulagðir í tengslum við hana líkt og gert er í heimabyggð. Strandagaldur hefur gefið út fræðsluefni um hjátrú og galdra, í bók-



Þorgerður Katrín Gunnarsdóttir menntamálaráðherra ásamt Silju Aðalsteinsdóttur.

formi, á geisladiskum og á vönduðum vef, og má sérstaklega nefna nýlegan margmiðunardisk um íslensk galdramál og þjóðtrú tengda göldrum sem tilnefndur var af Íslands hálfu sem besti diskurinn í flokki menningar.

Starfsemi Strandagaldurs hefur einkennst af miklum metnaði og fagmennsku. Heimamenn hafa á að skipa sérfræðingum um þjóðfræði og bókmenntir. Þeir hafa ásamt öðrum unnið förnfúst og óeigingjarnt starf og fengið til liðs við sig færustu sérfræðinga. Óhætt er að fullyrða að starfsemi Strandagaldurs hafi blásið lífi í áhuga fólks á menningu Strandamanna og þeim fróðleik um kveðskap, náttúru og sögu sem því fylgir. Fyrir þetta fær Strandagaldur viðurkenningu á degi íslenskrar tungu 2004.“

— halfdan@bb.is



Steindór Andersen tók við verðlaunum fyrir hönd Iðunnar.



Sigurður Atlason tók við viðurkenningu fyrir hönd Strandagaldurs.



Fjölmenni var viðstatt athöfnina sem fram fór í Safnahúsinu á Ísafirði.


LÍFEYRISSJÓÐUR
VESTFIRÐINGA

Aukaársfundur 2004

Aukaársfundur Lífeyrissjóðs Vestfirðinga verður haldinn í Stjórnsýsluhúsinu á Ísafirði sunnudaginn 5. desember 2004 kl. 13.00

Dagskrá fundarins:

1. Sameining Hólmavíkurdeildar og aðaldeildar Lífeyrissjóðs Vestfirðinga.
2. Lífeyrissjóður Vestfirðinga aldurstengt kerfi. Vigfús Ásgeirsson.
3. Framtíð íslenska lífeyrissjóðakerfisins. Grétar Þorsteinsson.
4. Önnur mál.

Sérstakt fulltrúaráð skipað fulltrúum aðildarfélagasjóðsins fer með atkvæði á ársfundinum. Allir sjóðfélagar, jafnt greiddandi sem lífeyrisþegar, eiga rétt til fundarsetu á ársfundi með málfrelsi og tillögurétti.

Sjóðfélagar eru hvattir til að nýta sér rétt sinn og mæta á aukaársfund sjóðsins, en eru beðnir að staðfesta þátttöku sína við skrifstofu sjóðsins fyrir 4. desember 2004.

LÍFEYRISSJÓÐUR VESTFIRÐINGA

Hafnarstræti 9-13 • 400 Ísafjörður • Sími: 456 4233 • Fax: 456 4710 • Netfang: algr@lvest.is

Lítið af grásleppu kemur í þorskanet á Vestfjörðum

Frá ársbyrjun til 11. maí 2004 var landað samtals 8.010 kg. af grásleppu í höfnum á Vestfjörðum sem veiðst hafði í þorskanet. Þetta kemur fram í svari sjávarútvegsráðherra við fyrirspurn Gísla S. Einarssonar þingmanns á Alþingi. Fyrirspurn Gísla var svohljóðandi: „Hversu miklu af grásleppu var landað af þorsknetabátum á sl. vetrarvertíð, skipt eftir veiðisvæðum?“ Í svari ráðherra kemur fram að á þessum tíma hafi verið landað samtals 104.209 kg. af

grásleppu. Mestu var landað á Arnarstapa, eða 38.168 kg. Eins og áður sagði var landað 8.010 kg. á höfnum á Vestfjörðum, þar af 7.958 kg. á Patreksfirði og 52 kg. í Bolungarvík. Þá spurði Gísli ráðherra til hvaða ráðstafana verði gripið á næstu vertíð til að koma í veg fyrir annars vegar veiðar og löndun þorskanetaflotans og annarra veiðiskipa án grásleppuveiðileyfis á grásleppu og hins vegar grásleppuveiði utan veiðitíma. Í svari ráðherra

kemur fram að sú ákvörðun sem komi til með að hafa mest áhrif á grásleppuveiðar í þorskanet á komandi vertíð sé að frá næstu áramótum verði óheimilt að nota stærri möskva í þorskanetum en 8 þumlunga. „Telja sjómenn að bann við notkun stærri möskva komi til með að draga úr veiði á grásleppu í þorskanet. Ljóst er hins vegar að grásleppa kemur til með að flækjast í önnur veiðarfæri en grásleppunet og ekki er unnt að koma í veg fyrir það. Sú regla hefur gilt

að lifandi grásleppu sem veiðist í þorskanet beri að sleppa, en þeirri reglu er í raun ómögulegt að fylgja eftir.“ Gísli vildi einnig vita hvort ráðherra telji að gætt sé jafnræðis við sviptingu veiðileyfa vegna of mikils meðafla kvótasettra tegunda grásleppubáta annars vegar og þorsknetabáta hins vegar. Í svari ráðherra segir: „Leyfissviptingum hefur ekki verið beitt sérstaklega vegna þorskveiða grásleppubáta. Hins vegar getur það leitt til leyfissviptingar

ef þorskveiðar grásleppubáta leiða til þess að þeir veiði umfram aflaheimildir sínar í þorski. Þetta er hin almenna lögbundna regla um veiðar umfram aflaheimildir og gildir ekkert sérstakt um þorskveiðar grásleppubáta að því leyti. Þá ber að hafa í huga í þessu sambandi að grásleppan er ekki kvótasett og því er engin leið fyrir þorskveiðibáta að afla sér aflaheimilda í þeirri tegund,“ segir í svari sjávarútvegsráðherra.

– hj@bb.is

Skarphéðinn Jónsson skólastjóri Grunnskólans á Ísafirði

„Ekki ósennilegt að samræmdum prófum verði seinkað“

Skarphéðinn Jónsson skólastjóri Grunnskólans á Ísafirði segir ekki ósennilegt að samræmdum prófum 10. bekkja grunnskóla verði frestað. Hann segir að fyrstu dagar skólastarfsins að loknu verkfalli fari í að koma skólastarfinu af stað og síðan verði tekið til við að skipuleggja með hvaða hætti nemendum, og þá sérstaklega 10. bekkjum, verður bætt upp það tímabil sem tapaðist í

verkfalli grunnskólakennara. „Við munum endurskipuleggja skólastarfið og foreldrar fá tilkynningar fljótlega um breytingar á önnum skólaársins. Málið er kannski erfiðast hjá nemendum 10. bekkjar. Mér þykir ekki ósennilegt að samræmdum prófum þeirra í vor verði seinkað og þannig reynt að ná upp sem mestum af þeim tíma sem tapast hefur. Hvað þau mál varðar ráða mennta-

málaráðuneytið og sveitarfélögin miklu. Frá svona langri vinnudeilu kemur enginn óskaddaður og veturinn verður að nota til þess bæta eins mikið og hægt er, en hvernig það verður nákvæmlega gert er of snemmt að spá um í dag“, segir Skarphéðinn. Aðspurður hvort framhaldsskólarnir verði að taka mið af þessu langa verkfalli í sínu starfi í framtíðinni m.a. með breytingu á



inntökuskilyrðum segir Skarphéðinn að þau mál verði auðvitað að skoða þegar líður á veturinn. „Það er mjög mikilvægt að þessi

mál verði skoðuð frá öllum sjónarhornum á næstu vikum og ákvarðanir teknar í framhaldi af því“, segir Skarphéðinn. – hj@bb.is

Niðurkvaðningin truflaði nefndarfund

Seiðkarl frá Galdrasýningunni á Ströndum lék á alls oddi í Stjórnsýsluhúsinu á Ísafirði í tilefni opnunar útibús sýningarinnar á Ísafirði. Með í för var tilberi sem seiðkarlinn kynnti fyrir opnunargestum. Einnig leiðbeindi hann þeim hvernig ætti að gera nábrók

og vekja mann upp frá dauðum. Að því loknu gerði hann sér lítið fyrir og með hjálp yngstu gestanna kvað niður draug. Slíkt er vandaverk og urðu af því ólæti mikil. Þess má til gamans geta að þó ekki sé vitað um afdrif draugsins virðast köllin hafa truflað fund

nefndar á vegum bæjarins sem var að störfum. Opnaði einn nefndarmanna dyragætt bæjar-skrifstofanna, sussaði á seiðkarlinn og benti honum á að fundur væri í gangi. Sýningin mun standa fram á aðventu á 2. hæð Stjórnsýsluhússins.

– halfdan@bb.is



Seiðkarlinn býr sig undir að kveða niður draug fyrir framan fundarsal bæjarstjórnar þar sem nefnd var að störfum.

Vill koma upp hreindýrastofni á Vestfjörðum

Sigmar B. Hauksson, formaður Skotveiðifélags Íslands (Skotvís), vill koma upp hreindýrastofni utan Austurlands og segir Vestfirði, Barðastrandarsýslu nánar til tekið, helst koma til greina í því sambandi. „Skotvís hefur í mörg ár hvatt til þess að hreindýr yrðu flutt á önnur svæði á landinu. Í því sambandi hefur verið bent á Vestfirði eða Barðastrandarsýslu,

líklegast kæmu einhver önnur svæði einnig til greina. Dýralæknar hafa í gegnum árin verið algjörlega á móti þessum fyrirætlunum. Í allri umræðu um þessi mál virðist sauðkindin hafa sömu stöðu og hinar heilögu kýr Indlands. Það er hins vegar sjálfsagt öryggisatriði að flytja hreindýr af Austfjörðum og eitthvað annað, þess vegna í Barðastrand-

arsýslu. Það væri styrkur að því að það væru 2 aðskildir stofnar hér í landinu. Þá njóta hreindýraveiðar vaxandi vinsælda hér á Íslandi og síðast liðið ár fengu færri veiðileyfi en vildu. Nægt landrými er hér á Íslandi og nægir hagar til þess að fjölda í íslenska hreindýrastofninum“, segir Sigmar B. Hauksson í pistli á vefsíðu Skotvís.

Jólaljósinn tendruð

Menningarmálanefnd Ísafjarðarbæjar hefur ákveðið að kveikt verði á jólatrénu á Silfurtorgi laugardaginn 4. desember kl. 16 og á Suðureyri sunnudaginn 5. desember kl. 16. Íbúar á Flateyri og Pingeyri þurfa að bíða viku lengur eftir sínum jóla ljós-um því á Flateyri verða þau tendruð laugardaginn 11. desember kl. 16 og á Pingeyri verða þau tendruð sunnudaginn 12. desember kl. 16.

Dagný Prastar opnar sýningu

Dagný Prastardóttir glerlistarmaður opnar á morgun, fimmtudag, sýningu á verkum sínum á Langa Manga kl. 18. Allir listunndur eru velkomnir á opnunina. Sýningin er fyrsta einkasýning Dagnýjar en hún hefur tekið þátt í nokkrum samsýningum. Sýningin verður opin á opnunartíma Langa Manga og mun standa til áramóta.

Nýr leikskólastjóri til starfa

Fræðslu- og tómstundaneftnd Súðavíkurhrepps hefur mælt með því við sveitarstjórn að Þóra Katla Bjarnadóttir verði ráðin í starf leikskólastjóra í Súðavík. Starfið var auglýst laust til umsóknar fyrir nokkru og var Þóra Katla eini umsækjandinn. Fyrir skömmu gerði menntamálaráðuneytið athugasemd við það að enginn faglærður leikskólakennari væri starfandi við leikskólann. Hinn nýi leikskólastjóri er leikskólakennari að mennt þannig að úr því hefur nú verið bætt.

Brunavarnir í leikskólum

Eldvarnareftirlit Ísafjarðarbæjar hefur lagt fram brunavarnarskýrslur vegna leikskólanna Sólborgar og Eyrarskjóls á Ísafirði og Laufáss á Pingeyri. „Stærsta málið er að tengja leikskólana við stjórnstöð viðvörunarkerfis hjá slökkviliðinu, einnig þarf meðal annars að skipta húsum niður í eldvarnarsvæði og lækka opnunarglugga“, segir Sigurlína Jónasdóttir leikskólafulltrúi. „Enn er þetta bara undirbúningsvinna því við vorum að fá skýrslurnar. Verið er að skoða kostnað og annað slíkt en áhersla er lögð á að brunavarnarmál leikskóla séu 100%“, segir Sigurlína.

Jay Leno sest að á Patró 26. nóv.



SÍMINN FÆRIR ÞÉR STJÖRNUR SKJÁS EINS

Vá helðum innflutningspartí á Miðvikudaginn 24. 11 í Miðgarðshöllina fyrir söfnunarmen SKJÁS EINS, sem allar önnur á höfðinni til Patrónaþarfarir í boði Símins.

Kynnt verður dagljóni SKJÁS EINS þar sem smátt hefur ákveðið að gefa Patrónaþarfarirnar til þess að njóta sínna heilvæðis dagljóni SKJÁS EINS með Ferlunda sjónvarpsstöðva, Rannsókn og kynnt þér ótrúleg skilfæriféð.

Þú mæt bíst við fullt af skemmtilegum spáskemmtum þar sem meðal annars Vili Hagnýður segir þingi að hvern SKJÁS EINS sinn og hvern af sínum fjölski.

Stökkum til að sjá þig!
Stærðir Símins og SKJÁS EINS.



Stærðir þér
að sjá þig þig

Síminn



Margrét Eir með út-gáfutónleika á Ísafirði

Söngkonan Margrét Eir Hjartardóttir heldur út-gáfutónleika í Hömr-um, sal Tónlistarskóla Ísafjarðar, á sunnudag kl. 20. Þar flytur Margrét Eir tónlist af nýút-kom-inni plötu, Í næturhúmi, sem er þriðja sólóplata hennar. „Ég tek einnig eldra efni svo þetta verður svona bland í poka“, segir Margrét Eir en með henni á tónleikunum verða þeir Róbert Þór-hallsson bassaleikari og Vignir Stefánsson pianó-leikari. „Þetta er í fyrsta sinn sem ég kem fram á Ísafirði þó ég hafi oft komið þangað og því má segja að þetta sé stórvið-



Margrét Eir Hjartardóttir söngkona. burður“, segir Margrét Eir. Miðaverð er 1800 kr. en 25% afsláttur er fyrir þá sem eru með kort frá sparisjóðunum. Einnig verður unnt að festa kaup á nýju plötunni á tónleikunum. – thelma@bb.is

Grunnskólinn á Ísafirði

Lús gerir vart við sig

Lús hefur skotið upp koll-inum í nokkrum árgöngum í Grunnskólanum á Ísafirði. Í síðustu viku var foreldrum barna gert viðvart með orð-sendingu þar sem þeir voru hvattir til að kempa börn sín. Höfuðlúsín hefur fylgt mann-inum í þúsundir ára. Allir geta smitast af henni en smit er algengast hjá 3-11 ára börnum.

Hún er ekki talin bera með sér neina sjúkdóma. Mjög mikil-vægt er að almenningur átti sig á því að það að smitast af lús ber ekki vitni um sóðaskap. Lúsín fer ekki manngreinarálit og því er ekkert feimnismál að smitast af henni frekar en kvefi eða öðrum pestum sem hrjá mannkynið frá degi til dags.

Mjög mikilvægt er þegar lús kemur upp í skólum að allir standi saman um ráðstafanir til þess að losna við hana. Sé það gert með samstilltu átaki er það auðvelt. Foreldrar þurfa að tileinka sér einfaldar en ákveðnar vinnureglur og þá lætur árangurinn ekki á sér standa.

– hj@bb.is

Býðst til að kaupa Heimabæ 4-5 á eina krónu

Vill rúmar tvær millj-ónir króna í meðgjöf

Ísafjarðarbær hefur fengið kauptilboð í húseignina að Heimabæ 4-5 í Hnífsdal frá Lindu Jónsdóttur, sem býðst til að kaupa húsið sem stendur á snjóflóðahættusvæði, á eina krónu. Í bréfi Lindu til Ísafjarðarbæjar kemur fram

að hún hyggt ráðast í endur-bætur á húsinu. Jafnfram óskar hún eftir því að bærinn greiði 2,1 milljón króna með húsinu og sú upp-hæð verði greidd kaupanda þegar endurbætur eru hafnar. Í bréfi Lindu kemur fram að

þessa upphæð myndi kosta að rífa húsið og ganga frá lóð þess. Bréf Lindu var tek-ið fyrir á fundi bæjarráðs Ísafjarðarbæjar og var sam-þykkt var að fela bæjarstjóra að ræða við Lindu vegna málsins. – hj@bb.is

Félag áhugamanna um víkingaverkefnið á Þingeyri

Óskar eftir styrk vegna uppbyggingu á útiaðstöðu

Félag áhugamanna um vík-ingaverkefnið á sögslóðum Gísla Súrssonar hefur óskað eftir 520 þúsund króna styrk frá bæjarsjóði Ísafjarðarbæjar vegna framhaldsframkvæmda við uppbyggingu útiaðstöðu á Oddanum á Þingeyri. Fram-kvæmdir þar hafa verið undir merkjum svokallaðrar menn-ingartengdrar ferðamennsku.

Bæjarráð Ísafjarðarbæjar sam-þykkti að vísa erindinu til fjár-hagsáætlunar næsta árs. Í kynningu frá félaginu segir að á næsta ári séu fyrirhugaðar framkvæmdir á Oddanum á Þingeyri að upphæð um 6,6 milljónir króna. Þær skiptast þannig að í frágang á víkinga-hring sem byggður var síðast-liðið sumar eru áætlaðar 1,6

milljónir króna og í fram-kvæmdir við svokallaðar sölu-búðir sem liggja að hringnum er áætlað að verja 5 milljónum króna. Í kynningu félagsins kemur fram að áætlað er að styrkur fáiist til verkefnisins frá Ferðamálaráði Íslands að upphæð 3,5 milljónir króna og að styrkur fáiist við gerð fjár-laga á Alþingi. – hj@bb.is

Íþróttavöllur hestamanna í Engidal í undirbúningi

Áætlaður kostnaður 15-17 milljónir króna

Á fundi íþrótt- og æsku-lýðsnefndar Ísafjarðarbæjar á dögunum var lögð fram kostn-aðaráætlun vegna gerð íþróttavallar í Engidal á vegum Hestamannafélagsins Hend-ingar. Kostnaðaráætlunin var unnin í framhaldi af bréfi fé-lagsins fyrir nokkru þar sem óskað var eftir stuðningi bæj-arins til framkvæmda á vegum félagsins í Engidal. Var í því bréfi nefnt að áætlaður kostn-aður yrði á bilinu 15-17 millj-ónir króna.

Í áður nefndri kostnaðar-áætlun er nú reiknað með að heildarkostnaður verði tæpar 21,8 milljónir króna. Að auki



Frá Engidal.

er kostnaður við gerð lýsingar á svæðinu. Í kostnaðaráætlun-inni er nefnt að áætlað er að framkvæmdum ljúki vorið 2008, nánar til tekið 23. apríl, er félagið verður 20 ára. Í áætl-uninni er reiknað með að hlut-ur Hendingar í framkvæmd-unum verði 20%.

Íþrótt- og æskulýðsnefnd Ísafjarðarbæjar lýsti yfir ánægju með áætlunina og vísar til fjárhagsáætlunar Ísafjarð-arbæjar og samnings bæjarins við Héraðssambands Vestfirð-inga þar sem fram kemur að þessar framkvæmdir séu næst-ar á forgangslista bæjarins. Nefndin telur sig hins vegar ekki hafa nægilegar forsendur til að meta kostnaðaráætlunina og óskar því eftir því að fulltrúi Hendingar mæti á næsta fund nefndarinnar til frekari kynn-ingar. Þá óskar nefndin jafn-framt upplýsinga um það hver aðkoma Ofanflóðasjóds er að málinu. – hj@bb.is



Fasteignasala

Tryggvi Guðmundsson hdl.

TRYGGVI GUÐMUNDSSON HDL
Hafnarstræti 1 – Ísafirði
Sími: 456 3244
Fax: 456 4547
Netfang: eignir@tg.is
Heimasíða: www.tg.is

Einbýlishús/ráðhús:
Engjavegur 24: 126 m² einbýlishús á tveimur hæðum með stórum garði. Verð 8,8 m.kr.
Bakkavegur 8: 182 m² steinsteypt einbýlishús með bílskúr. Verð 5,2 m.kr.
Seljalandsvegur 54: 113 m² nýlega uppgert einbýlishús á tveimur hæðum. Verð 10,5 m.kr.

Sundstræti 39: 227,2 m² einbýlishús á tveimur hæðum ásamt kjallara og nýjum bílskúr. Mikíð uppgert. Verð 12,0 m.kr.
Hjallavegur 21: Stórt og glæsilegt einbýlishús á tveimur hæðum með innbyggðri tvöfaldri bílgeymslu. Falllegt útsýni. Verð 15,6 m.kr.
Garðavegur 1: 97 m² steinsteypt einbýlishús á einni hæð ásamt 44 m² bílskúr, mikið endurnýjað. Verð 7,9 m.kr.
Hrannargata 8A og 8B: 78 m² einbýli á tveimur hæðum ásamt 46 m² viðbyggingu. Verð 6,3 m.kr.
Urðarvegur 76: 196 m²

endaraðhús á tveimur hæðum. Gott útsýni. Verð 13,2 m.kr.
4-6 herbergja íbúðir:
Stórholt 13: 103 m² fjögurra herbergja íbúð á 3. hæð ásamt 21 m² bílskúr og geymslu. Tilboð óskast.
Fjarðarstræti 32a: 113 m² 5 herb. íbúð á tveimur hæðum í tvíbýlishúsi ásamt bílgeymslu. Tilboð óskast.
3ja herbergja íbúðir:
Urðarvegur 78: 99 m² falleg íbúð á 2. hæð í snyrtilegu fjölbýlishúsi. Verð 7,2 m.kr.
Stórholt 9: 80 m² íbúð á 3. hæð fyrir miðju í fjölbýlishúsi. Verð 5,6 m.kr.
Tangagata 15a: 90 m² séríbúð í gömlu þrívíðishúsi ásamt lítilli eignarlóð. Verð 3,5 m.kr.
Fjarðarstræti 38: 3ja herb. íbúð á 3. h. í fjörbýlishúsi, íbúðin er að hluta undir risi. Skráð 49,1 m² í fasteignamati, en er ca. 79 m² að gólfleti. Verð 4,5 m.kr.
Stórholt 13: 79,2 m² íbúð á 3. hæð t.h. í fjölbýlishúsi ásamt sér geymslu. Skoða öll tilboð. Móguleiki að taka bíl uppí. Áhv. ca. 3 m.kr. Verð 5,5 m.kr.
2ja herbergja íbúðir:
Eyrargata 6: 76 m² íbúð á jarðhæð ásamt geymslu í fjölbýlishúsi. Verð 6,3 m.kr.
Sundstræti 34: nýleg 2ja herbergja íbúð með sérinngangi á jarðhæð í nýuppgerðu fjöl-býlishúsi. Verð 5,9 m.kr.
Pólgata 4: 76 m² íbúð á jarðhæð

í fjörbýlishúsi. Verð 2,7 m.kr.
Atvinnuhúsnæði:
Thai Koon: 63 m² nýtt verslun-arhúsnæði og veitingastaður í fullum rekstri, ásamt innrétt-ingum, tækjum og áhöldum. Til sölu eða leigu. Tilboð óskast.
Nýjar íbúðir:
Skógarbraut 3A e.h.: 153,5 m² 4ja herb. íbúð með baðstofulofti á efri jarðhæð til vinstri. Verð 14,5 m.kr
Skógarbraut 3A n.h.: 133 m² 3ja herbergja íbúð á neðri hæð í fjörbýlishúsi með sérinngangi. Verð 12,5 m.kr.
Skógarbraut 3A n.h.: 114,8 m² 3ja herbergja íbúð á neðri hæð í fjörbýlishúsi með saunaklefa og sérinngangi. Verð 10,5 m.kr.
Flateyri:
Olafstún 5: 113 m² steinsteypt einbýlishús á einni hæð með grónum garði. Verð 5,3 m.kr.
Grundarstígur: 60 m² sumar-bústaður sem er seldur til flutnings. Verð 2,7 m.kr.

Fasteignir í þessari auglýsingu eru aðeins sýnishorn af sölu-skránni. Allar frekari upplýsingar eru veittar á skrifstofunni að Hafnarstræti 1 og á heimasíðu okkar: www.tg.is



Smáauglýsingar

Óska eftir að kaupa 100 cm Carving skíöl með bindingum og klossa nr. ca 24. Uppl. í sínum 456 7117 og 861 5260.

Basar og kolaport ásamt súkkulaði og vöfflusölu í Félagshelminu í Hnífsdal, laugardaginn 27. nóv. kl. 15. Kvenfélagið Hvöt.

Til sölu er sex ára gamalt, grænt, sófasett, 3 + 2 með tauáklæði og ótrúlega þægilegt. Selst á kr. 20 þús og er falt eftir mánaðarmótin. Einnig er til sölu notaður örbylguofn á kr. 3.000. Uppl. í síma 456 5515 eftir kl. 17.

Til sölu er 140m² íbúð á efri hæð að Aðalstræti 13 á Ísafirði ásamt 65m² kjallara, 25m² bílskúr og ca. 200m² eignarlóð. Íbúðin er að miklu leyti uppgerð. Nýtt vatnskerfi, gólfefni og gluggar. Tilboð óskast. Uppl. í sínum 697 4833 eða 690 4975.

Til sölu er Subaru Impreza, blár, árg. 1998, ekinn 128 þús. km. Uppl. í síma 899 0774.

Til sölu er MMC Lancer GLXi, Stw. skránd.5.8.99, ekinn 85 þús. km. Viðmiðunarverð 725 þús. kr. Tilboðsverð 600 þús. kr. Ný sumar- og vetrardekk. Uppl. í síma 847 1222.

Til sölu er grænn Opel Astra árg. 2000, ekinn 75 þús. km. Uppl. í síma 899 0774.

Til sölu er Honda Civic árg. 88. Verð kr. 30 þús. Upplýsingar í síma 456 7251.

Til sölu er Ísskápur og gamalt æfingahjól. Uppl. í síma 456 3097.

Til leigu er 61m², 2ja herb. íbúð á svæði 107 í Reykjavík. Laus 11.-28. des. á kr. 3.000.- nóttin með húsgögnum, hlta og rafmagn. Uppl. á edda@ru.is

Til leigu er einbýlishús í Holtahverfi. Uppl. í síma 456 4338.

Tveir gluggavafir kettlingar undan svartri skógarlæðu fást gefins. Uppl. í síma 456 8190.

Til sölu er Mosberg pumpa, Remington riffill 22 cal og Mosberg 22 magnum. Upplýsingar í síma 897 4019.

Til sölu eru úrbeinaðar gæsir í loftþéttum umbúðum. Upplýsingar í síma 661 7322.

Til sölu eru fjórar golfmottur fyrir hesta. Uppl. í síma 456 3663.

Herbergi með aðgang að baði óskast til leigu á Ísafirði. Uppl. í síma 899 4201.

Til sölu er 2ja herb. íbúð að Urðarvegi 78 á Ísafirði með sérinnangangi. Upplýsingar í síma 456 3928 og 456 4323.

Til sölu er elns árs gamall Sony Ericson T310 sími með litaskjá, MMS, polytónum og myndavél og lykilorði sem hægt er að tengja við símann. Verð kr. 4000. Uppl. í síma 847 0404.



Sýningargestir skoða munina á sýningunni.



Á þriðja hundrað manns var viðstatt opnun sýningarinnar.

Konfektgerð í skátaheimilinu

Konfektgerðarmeistarinn Halldór Kr. Sigurðsson hélt námskeið í konfektgerð á Ísafirði á laugardag. „Þetta gekk mjög vel og aðsóknin fór fram úr björtustu vonum“, segir Halldór. „Það mættu 56 konur og einn karl. Við þurftum að færa námskeiðið yfir í skátaheimilið vegna þessarar miklu aðsóknar.“ Halldór segist ætla að koma aftur vestur í febrúar eða mars á næsta ári og ætlar þá að kenna Vestfirðingum kransakökugerð og kökuskreytingar.

– halfdan@bb.is Námskeiðið var vel sótt.



STAKKUR SKRIFAR

Stakkur hefur ritað vikulega pistla í Bæjarins besta í mörg ár. Skoðanir hans á mönnum og málefnum hafa oft verið umdeildar og vakið umræður. Þær þurfa alls ekki að fara saman við skoðanir útgefenda blaðsins. Þrátt fyrir það bera ábyrgðarmenn blaðsins ábyrgð á skrifum Stakks á meðan hann notar dulnefni sitt.

Kennaraáfallið – sagði barnið!

Ríkisstjórnin tók af skarið í kennaraverkfallinu, enda voru mál komin í óefni. Laugardaginn 13. nóvember setti Alþingi lög til þess að enda verkfallið, sem þá hafði staðið frá 20. september með viku hléi, allt of lengi að mati flestra. Kennarar hafa verið mjög ákveðnir í afstöðu sinni og reyndar vilja sumir nota orðið herskáir í baráttu sinni. Vissulega eiga þeir rétt á því að fara í verkfall. Þeir nýttu sér réttinn. Lok verkfallsins með setningu laganna var greinilega ekki óskastaða neins. En þannig hefur verkföllum sjómanna lyktað undanafarin áratug. Sjómenn voru ekki glaðir en ákváðu að fara að lögum. Hið sama var ekki uppi á teningnum hjá kennurum í grunnskólum landsins. Í raun eru fáir sáttir með stöðu mála, en lífið heldur áfram. Kennarar hafa notið nokkurrar samúðar meðal þjóðarinnar þrátt fyrir að margir foreldrar væru farnir að þreytast á því að börnin fengju ekki notið skólagöngu. En í síðustu viku mátti heyra að hegðun kennara gekk fram af mörgum. Flestum er ljóst að eitthvað varð að gera til að binda endi á verkfall sem lamaði skólagöngu 45 þúsund skólabarna. Hinu verður vart neitað að harðneskjuleg viðbrögð kennara komu á óvart og sneru á augabragði álitu stórs hluta almennings gegn þeim. Hegðun fulltrúa kennarastéttarinnar við Alþingi laugardaginn 13. nóvember síðastliðinn kom mörgum verulega á óvart, bæði börnum og fullorðnum. Sjá mátti þá sem þar stóðu sýna af sér framferði, sem ekki hefði þótt sæmandi nemendum í grunnskólum. Fólkið yfir framan Alþingishúsið hrópaði og lét fremur illa ef marka mátti fjölmiðla. Flautað var og höfð uppi háreysti og banönum veifað. Tilgangurinn hefur væntanlega verið annar en að metta svanga alþingismenn. Sjá

mátti fullorðið fólk rjúfa borða lögreglu. Sú framkoma hefði þótt ámælisverð ef börn hefðu verið að verki. Kennarar á Ísafirði mættu svartklæddir til vinnu sinnar. Í Keflavík var kirkja opnuð fyrir þeim og talað var um áfallahjálp. En ekki lutu þeir landslögum og mættu til vinnu. Heilsufar kennara hefur verið mjög slæmt í síðustu viku. Uppsagnarbréf hrannast inn. Þann vilja kennara að láta af störfum ber að sjálfsögðu að virða. Það er ótvíræður réttur hvers manns að ljúka störfum, kjósi hann svo. Ljóst er að vandamál eru mörg og margvísleg. En vart hafa kennarar búist við því að þeir ættu stuðning foreldra og barna við það að brjóta lög landsins. Fyrir nokkru var það nefnt hér á þessum vettvangi að afleiðingar þessa verkfalls yrðu með þeim hætti að ekki sæist fyrir endann á þeim. Það er nú að ræstast. Stokka þarf upp skóla-kerfi landsins og skoða út frá hagkvæmnissjónarmiðum hvernig það fé skuli nýta sem fer til kennslu. Mikið fé fer til húsnæðis og fyrir liggja tillögur um endurbætur og byggingar við Grunnskólann á Ísafirði sem kosta myndu einn milljarð króna. Skólar eru margir smáir og dýrir í rekstri. Skólum þarf að fækka og þeir að stækka. Minnt er á ummæli borgarstjórans nýja þess efnis að ekki hafi verið vitlaust gefið. Verða þau ekki skilin á annan veg en þann að sveitarfélögin hafi verið ör í skólahaldi sínu. Er það endilega víst að þau séu best til þess fallin að reka skóla? Er ef til vill betra að kennarar beri nokkra ábyrgð á ráðstöfun fjár við rekstur grunnskóla? Af hverju vinna þeir ekki eins og annað fólk? - spyrja börnin. Það mun taka langan tíma að byggja upp glatað traust.

BT Ísafjörður

opnar á Laugardaginn klukkan 11

Fjöldi opnunartilboða,
fylgstu vel með á föstudaginn
þegar BT bæklingur dattur
ínum lögum hjá þér.



Martíð tímanlega!
Við erum á Póllgötu 4
við bláðina á apóteknu

BT Ísafjörður - Laugardagur - kl. 11:00

Mikið fjör á tónleikum á Langa Manga

Mikið fjör var á kaffihúsinu Langa Manga um helgina og að vanda var tónlist í hávegum höfð. Félagarnir Elfar Logi Hannesson og Halldór Gunnar Pálsson stóðu fyrir Megawatt tónleikum á föstudag þar sem þeir fluttu sígild lög tónlistarmannanna Megasar og Tom Waits. Óhætt er að segja þeir hafi slegið í gegn en þetta var í annað sinn sem slíkir tónleikar eru haldnir. Á laugardag héldu Sunneva Sigurðardóttir söngkona og Halldór Gunnar Pálsson tónleika. „Frábær mæting og gekk mjög vel, það var bragð af „kántríþema“ á tónleikumunum en einnig voru ýmsar óvæntar upptökur“, segir Sunneva. Meðal annars fluttu þau frumsamið lag sem þau stefna á að gefa út í desember. Það ber nafnið Float around, en auk þeirra kom textahöfundurinn Ársæll Nielsson að gerð lagsins.

– thelma@bb.is Halldór Gunnar og Elfar Logi tóku lög Megasar og Tom Waits.



Halldór Gunnar og Sunneva Sigurðardóttir til í slaginn.

Helgarveðrið

Horfur á fimmtudag: Suðaustlæg átt, 3-8 m/s og skúrir eða slydduél, en þurr og nokkuð bjart norðanlands. Hiti 0-7 stig.

Horfur á föstudag: Snýst í norðvestan 5-10 m/s. El eða skúrir, en léttir til suðvestanlands. Heldur kólnandi veður.

Horfur á laugardag: Hæg vestlæg eða breytileg átt. El norðaustantil en annars bjart veður.

Horfur á sunnudag: Stíf suðvestanátt og vætusamt. Fremur milt veður.

Kirkjustarf

Ísafjarðarkirkja: Messa 28. nóv. kl. 11:00. Kirkjuskóli á sama tíma.

Hnífsdalsskóli: Kirkjuskóli 28. nóv. kl. 13. Aðventuhátíð 28. nóvember kl. 17:00.

Holtskirkja: Aðventuguðspjónusta á sunnudag kl. 14. Aðventuþáttur fermingarbarna. Altarisganga. Messukaffi.

Spurningin

Ertu sátt(ur) við að sett hafi verið lög á verkfall grunnskólakennara?

Alls svöruðu 578. Já sögðu 352 eða 61% Nei sögðu 177 eða 31% Hlutlausir voru 49 eða 8%

Netspurningin er birt vikulega á bb.is og þar geta lesendur látið skoðun sína í ljós. Aðeins er tekið við einu svari frá hverri tölvu. Niðurstöðurnar eru síðan birtar hér.

Vestfirðingar gefa út p

Mugimama, is this monkey music

Tónlistarmanninn Mugison, öðru nafni Örn Elías Guðmundsson, þekkja flestir. Mugison hefur nýverið gefið út plötuna „Mugimama, is this monkey music“ og hefur hún fengið óhemju góða dóma hjá poppskrifendum landsins. Aðspurður um það hvernig hann myndi lýsa plötunni segir Örn Elías: „Ég myndi segja að þetta væri svona heimilislegur vestfirskur búta-

saumur; nokkur lög eru frekar hugguleg eins og kaffi og gott með því, en svo eru augnablik á plötunni sem skapa hálfgerða fyllerisruglstemmningu“, segir Örn. Mugimama inniheldur 12 lög og er gefin út af 12 tönnum. Fjölmargir tónlistarmenn komu að gerð plötunnar, meðal annarra þær Ragnheiður Gísladóttir og Rúna „Mugimama“ Esradóttir.



Bolvíski tónlistarmaðurinn Mugison.

Fuglar geta ekki flogið á tunglinu

Fyrir skömmu kom út platan „Fuglar geta ekki flogið á tunglinu“, þriðja og síðasta sölóplata tónlistarmannsins Rafns Jónssonar frá Suðureyri, en sem kunnugt er lést Rafn seint í júní á þessu ári. Synir hans tveir, Egill og Ragnar Sólberg, unnu með föður sínum að gerð plötunnar og kláruðu hana í félagi við upptökmanninn Ken Thomas eftir andlát Rafns sem lagði hönd á plóg allt þar til hann lést. „Hann var að vinna með okkur að plöt-

unni daginn sem hann dó. Við mixuðum fyrsta lagið þann dag og tengdum heyrnartól inn til hans svo hann gæti hlustað. Hann setti ekkert út á þetta hjá okkur og við höldum því áfram á þeirri braut sem við vorum á“, segir Egill Rafnsson. Platan hafði verið lengi í undirbúningi og var hafist handa við upptökur sumarið 2003 þegar þeir feðgar fóru til Englands til að taka upp hluta hennar í hinu sögufræga Abbey Road stúdíói í London.



Rabbi ásamt sonum sínum, Agli og Ragnari Sólberg.

Frá Valhöll til himnaríkis

Lýður Árnason, læknir, tónlistar- og kvikmyndagerðarmaður á Flateyri, gefur í ár út plötuna „Frá Valhöll til himnaríkis“ í félagi við nokkra aðra. „Það er læknamafian (Lýður og Íris Sveinsdóttir, eiginkona hans og læknir í Bolungarvík. Innskot: BB) og Jón Rósmann Mýrdal sem skipa hljómsveitina Gögn sem leikur á plötunni. Gögn er fleirtöluorð yfir gagn, sem er fornt orð sem var notað yfir kvakandi fiðurfé. Ég myndi lýsa tónlistinni sem þjóðlegri,

> RÚV: 27. nóv. kl. 21:00

Gamanmyndin Allir á svið!

Gamanmyndin Allir á svið segir frá leikhópi sem er að æfa upp nýja sýningu og það gengur allt á afturfótunum þrátt fyrir hetjulegar tilraunir leikstjórans til þess að hafa hemil á mannskapnum. Fylgst er með lokaæfingunni og frumsýningunni og upphafi leikferðar sem hópurinn fer í með sýninguna. Aðalhlutverk leikur stórleikarinn Michael Caine.



> Stöð 2: 27. nóv. kl. 22:05

Losnað við gæja á tíu dögum

Losnað við gæja á 10 dögum er rómantísk gamanmynd sem segir frá Ben sem starfar í auglýsingabransanum og vefur konum sér um fingur. Hann hefur tekið veðmáli og þarf nú að finna stúlku, gera hana ástfangna af sér og vera með henni í 10 daga. Andie fæst við skriftir og ætlar sér að skrifa grein um það hvernig hægt sé að losa sig við kærasta á 10 dögum.



> Sýn: 27. nóv. kl. 01:55

Boxararnir Morales og Barrera

Boxveislu mánaðarins á Sýn lýkur með beinni útsendingu frá stórbardaga í Las Vegas þar sem margir kunnir kappar stíga í hringinn en allra augu beinast að Erik Morales og Marco Antonio Barrera sem slást um heimsmeistaratítilinn í fjaðurvigt. Þetta er þriðji bardagi erkíffjendanna. Morales vann þann fyrsta en Barrera kom fram hefndum síðast. Hvað gerist í kvöld?



Blásarar skemmtu gestum í Neista

Lúðrasveit Tónlistarskólans á Ísafirði lék fyrir gesti verslunarmiðstöðvarinnar Neista á laugardag. „Þetta var gert til þess að lífga upp á bæjarlífið í tilefni af hátíðinni Veturnætur“, segir Sigríður Ragnarsdóttir, skólastjóri Tónlistarskólans. „Hljómsveitin hefur verið mjög öflug í vetur og hefur stækkað mikið. Madis Maekalle hefur tekist að skapa mjög skemmtilegt andrúmsloft í kringum sveitina, en í henni eru margir þekktir borgarar. Sveitin æfir tvisvar í viku og er núna að undirbúa sig undir aðventuna.“ – halfdan@bb.is



Sveitin ásamt stjórnanda sínum í Neista.

Sportið í beinni

Skjárlinn:

Laugardagur 27. nóv.:
Kl. 12:45 – Enski boltinn: Fulham – Blackburn.
Kl. 15:00– Enski boltinn: Charlton Athl. – Chelsea
Kl. 17:15 – Enski boltinn: Man. City – Aston Villa

Sunnudagur 28. nóv.:
Kl. 14:00 – Enski boltinn: Newcastle – Everton
Kl. 16:05 – Enski boltinn: Liverpool – Arsenal.

Sýn:

Miðvikudagur 24. nóv.:
Kl. 19:30 – Meistaradeildin: PSV Eindhoven – Arsenal
Kl. 00:05 – Meistaradeildin: W. Bremen – Inter Milan.

Föstudagur 26. nóv.:
Kl. 01:00 – NBA karfan: Detroit – Miami.

Laugardagur 27. nóv.:
Kl. 20:20 – Spænski boltinn: Getafe – Barcelona.
Kl. 01:55 – Hnefaleikar: Morales – Barrera.

Sunnudagur 28. nóv.:
Kl. 19:20 – Ítalski boltinn: Inter Milan – Juventus.
Kl. 21:20– Spænski boltinn: Real Madrid – Levante.

Canal+ Norge:

Laugardagur 27. nóv.:
Kl. 15:00 – Enski boltinn: WBA – Manchester Utd.

Kirkjustarf

Hólskirkja:

Fjölskylduguðspjónusta 28. nóvember kl. 11. Opið hús fyrir alla kl. 10-11 á þriðjudögum í Safnaðarheimilinu. Kirkjuskóli kl. 17:15 á þriðjudögum. TTT fimmtudaga kl. 17 í Safnaðarheimilinu.

Þingeyrarkirkja:

Messa sunnudaginn 28. nóvember kl. 14:00.

Suðureyrarkirkja:

Aðventukvöld sunnudaginn 28. nóv. kl. 16:30.

Súðavíkurkirkja:

Aðventukvöld sunnudaginn 28. nóv. kl. 20:00.

Afmæli



Í tilefni af **40 ára** afmæli mínu 30. nóvember nk. þætti mér vænt um ef ættingjar og vinir myndu vilja gleðjast með mér og taka forskot á afmælið föstudagskvöldið 26. nóvember frá kl. 20-24 í Félagsheimili Bolungarvíkur. *Hlý kveðja, Pálína Vagnsdóttir.*

SÆLKERI VIKUNNAR

ER ÁSTHILDUR GESTSDÓTTIR Á ÍSAFIRÐI

Lúxus-fiskréttur

Sælkeri síðustu viku skoraði á Ásthildi að koma með góðan fiskrétt og ætlar hún að gera sitt besta að verða við áskoruninni. Fyrir valinu varð lúxusfiskréttur sem hún segir að gott sé að bera fram með soðnum hrísgrjónum og snittubrauði. Einnig lætur hún fylgja með uppskrift af kornbúðingi sem er tilvalinn sem meðlæti með jólasteikinni.

Lúxusfiskréttur

800 g ýsuflök, roðflett og skorin í bita
300 g rækjur
200 g sveppir
1 laukur, saxaður
½ blaðlaukur, sneiddur smjör til steikingar
1 græn paprika, söxuð
1 rauð paprika, söxuð
2 gulrætur, skornar í sneiðar
½ dós ananaskurl og safi
150 g hreinn rjómaostur
1 ½ dl rjómi eða kaffirjómi
½ -1 tsk salt
½ tsk pipar eða sítrónu-pipar
½ tsk paprikuduft



1 tsk karrý
1 ½ tsk súpukraftur

Steikið lauk og blaðlauk í smjóri, bætið paprikunni, gulrótunum og sveppunum út í ásamt anananskurlinu og safanum og látið kraum í smástund. Setjið rjómaostinn og rjómann út í og látið jafnast út. Setjið fiskinn út í og látið krauma í 8-10 mínútur. Bætið nú rækjunum út í og sjóðið í 1-2 mínútur.

Kornbúðingur

2 dósir maískorn
6 egg
2 bollar rjómi
2 msk sykur
smá salt

Setjið maískornin í smurt eldfast mót með loki. Hrærið saman egg og sykur með gaffli. Setjið síðan rjómann varlega saman við eggja- og sykurbönduna og hellið yfir kornin. Setjið lok á formið og setjið í 200° C heitan ofn í eina klukkustund og 10 mínútur.

Ég skora á Friðgerði Ómarsdóttur vinkonu mína að deila með okkur einhverju góðu úr sínum kokkabókum en þeir sem til hennar þekja vita að hún er ávallt höfðingi heim að sækja og snilldarkokkur.

Aðventuhátíð í Hnífsdalskapellu

Hnífsdalskapella býður þér á aðventuhátíð sunnudaginn 28. nóvember kl. 17:00.

Fram koma Kvennakór Hnífsdalskapellu og söngkór Súðavíkur. Nemendur úr Tónlistarskólanum leika á hljóðfæri. Börn úr Hnífsdalnum lesa upp og sýna helgileik.



> Stöð 2: 28. nóv. kl. 22:20

Lýtalæknar á krossgötum

Klippt og skorið eða Nip/Tuck, er einn vinsælasti þáttur sem sýndur er í Bandaríkjunum. Í honum segir frá lýtalæknunum Sean og Christian sem þurfa ekki að kvarta undan verkefnaskorti. Samkeppnin er hörð í þessum bransa en félagarnir hafa meira en nóg að gera enda útlitsdýrkunin í hámarki. Þrátt fyrir velgengi er einkalífð í molum...



Plötur



Rabbi

Fjölmarginir vestfirskir tónlistarmenn gefa út hljómplötur fyrir komandi jól. Hér í opnunni verður í stuttu máli gerð



Mugison




Lýður

grein fyrir þremur þeirra platna sem út koma,



Lýður ásamt eiginkonu sinni, Írisi Sveinsdóttur.

þursaskotinni en samt myrkari“, segir Lýður Árnason. Platan inniheldur 12 frumsamin lög. Kvikmyndafélagið í einni sæng gefur út.



Friðarstund við Pollinn á Ísafirði

Ísfirðingar komu saman á laugardagskvöld til að eiga friðarstund við Pollinn. „Við áttum mjög fallega stund þar sem við ihuguðum frið og ró á jörð“, segir Anna Sigríður Ólafsdóttir, einn skipuleggjendanna. Meðal annars var fleytt kertum út á Pollinn, Anna Sigríður las upp ljóðið Blysför eftir Davíð Stefánsson, Madis Maëkalle og Olavi Körre blésu í lúðra. Birgir Þór Halldórsson var með ljósmyndasýningu og varpaði ljósmyndunum á vegg Hótel Ísafjarðar. Þá létu Orkubú Vestfjarða og Ísafjarðarhöfn slökkva á ljósastaurum í nágrenninu til að auka enn fremur á friðsældina. Friðarstundin var liður í menningarhátíðinni Vetturnatur sem lauk á sunnudag.

– thelma@bb.is

Halldór Halldórsson bæjarstjóri Ísafjarðarbæjar

Tilgangslaust að halda áfram að funda í tekjustofnanefnd

Halldór Halldórsson, bæjarstjóri Ísafjarðarbæjar, hefur ásamt þeim Árna Þór Sigurðssyni og Kristjáni Þór Júlíusyni, tilkynnt stjórn Sambands íslenskra sveitarfélaga að tilgangslaust sé að halda áfram fundarhöldum í tekjustofnanefnd að óbreyttu. Halldór flaug til Reykjavíkur í síðustu viku til fundar við stjórnina

og skýrði frá þessu. „Á fundi tekjustofnanefndar tilkynntum við þessa afstöðu okkar. Það er stjórnar Sambandsins að slíta viðræðum og býst ég við að fá einhver boð um það hvað verður gert. Ef okkur verður gert að halda áfram viðræðum, verðum við að fá einhver ný skilaboð“, segir Halldór.

Fyrir rúmlega hálfum mánuði skýrði Halldór frá því á fjármálaráðstefnu sveitarfélaganna að ef ekki fengjst skýr svör um afstöðu ríkisins til skiptingar tekna á næsta fundi nefndarinnar myndu fulltrúar sveitarfélaganna ganga út. Við þessa yfirlýsingu fékk Halldór mikið lófaklapparáðstefnugesta.

Ekki virðast svörin hafa verið skýr á fundi nefndarinnar í síðustu viku. „Við töldum okkur ekki getað náð neinum árangri í þessari nefnd nema fulltrúar ríkisins breyttu afstöðu sinni til þess verkefnis að semja um tekjuskiptingu ríkis og sveitarfélaga“, segir Halldór Halldórsson, bæjarstjóri.

– halfdan@bb.is

Ríflega þriðjungur fasteigna á Vestfjörðum

Ekki enn í landskrá fasteigna

Á Vestfjörðum eru nú 2.189 fasteignir sem ekki hafa verið skráðar í landskrá fasteigna þrátt fyrir að stefnt hafi verið að því að þeirri skráningu og gjaldtöku fyrir hana lyki fyrir næstu áramót. Um fimmtingur fasteigna í landinu öllu er ekki ennþá í Landskrá, en það er mun lægra hlutfall en á Vestfjörðum. Þetta kemur fram í greinargerð með frumvarpi fjár-

málaráðherra á Alþingi um breytingu á lögum um skráningu og mat fasteigna.

Í frumvarpinu er gert ráð fyrir framlengingu á svokölluðu umsýslugjaldi sem húseigendur greiða og nemur 0,025 prómillum af brunabótamati. Gjaldið var tekið upp árið 1994 og átti að hætta að innheimta það í árslok 2004. Árið 2001 var gjaldið hækkað í 0,1 prómill af brunabótamati

og nú er lagt til að það verði það sama til ársloka 2008. Á næstu fjórum árum er reiknað með að það kosti fasteignaeigendur um 1.100 milljónir króna miðað við núgildandi fasteignamat.

Í athugasemdum við frumvarpið kemur fram að á Vestfjörðum eru 5.989 fasteignir í fasteignamatsskrá og af þeim eru 4.842 þeirra í þinglýsingabókum. Fullskráðar fasteignir

á Vestfjörðum í landskrá fasteigna er 2.653 fasteignir eða aðeins um 44,3 % fasteigna. Sambærileg tala fyrir landið í heild er 77,28%. Þá er ekki hafin skráning eða ólokið skráningu 2.189 fasteigna á Vestfjörðum eða um 36,55% allra fasteigna. Á landinu öllu er 21.19% fasteigna sem ekki hefur verið hafin skráning á.

– hj@bb.is

Menntaskólinn á Ísafirði

Húsasmíðabraut í undirbúningi

Skilanefnd Iðnaðarmannafélags Ísafjarðar hefur varpað fram þeirri hugmynd að stofna sjóð að upphæð um 8 milljónir króna til styrktar iðngreinum við Menntaskólann á Ísafirði. Haldinn hefur verið fundur með stjórnendum skólans þar sem fram komu hugmyndir um að nýta styrktarféð til þess að koma á laggirnar „fullburðugri húsasmíðabraut við skólann“, eins og segir í fundargerð skólanefndar Menntaskólans á Ísafirði.

Hugmyndir eru uppi um að brautin verði til húsa á neðstu hæð heimavistar þar sem koma megi fyrir tækjum og annari aðstöðu í nýendurgerðu húsrými. Í fundargerð skólanefndar kemur fram að málið hafi verið rætt við Fasteignir ríkissjóðs og arkitekt heimavistarhússins.



Menntaskólinn á Ísafirði.

Einnig hefur verið send umsókn til menntamálaráðuneytisins fyrir starfrækslu brautarinnar.

Skólanefnd Menntaskólans hefur fagnað styrktaráformum skilanefndar Iðnaðarmannafélagsins og lýsir fullum stuðningi við þau áform að koma á fót húsasmíðabraut við skólann.

– hj@bb.is



Halldór Halldórsson, bæjarstjóri Ísafjarðarbæjar.

Hafnarstjórn Ísafjarðarbæjar

Leggur til hækkun á hafnargjöldum

Hafnarstjórn Ísafjarðarbæjar hefur lagt til við bæjarstjórn að aflagjald hafnarinnar hækkandi um 1,28% í 1,60% af aflaverðmæti og nemur hækkunin því 25%. Jafnframt er lagt til að greitt verði gjald á hvern farþega sem um höfnina fer með bátum og skipum sem. Leggur hafnarstjórn til að greiddar verði 220 krónur á hvern farþega sem um höfnina fer.

Er þetta gert samkvæmt heimild í hafnarlögum sem sett

voru á síðasta ári. Þá var einnig ákveðið að leggja öryggisgjald á skip sem falla undir svokallaðar ISPS reglur. Greiða þau skip 28 þúsund krónur fyrir hverja komu í höfn. Einnig ákvað hafnarstjórn að leggja til 3,5% hækkun á almennum töxtum hafnarinnar. Tveir hafnarstjórnarmanna, Kristján Andri Guðjónsson og Jóhann Bjarnason, létu bóka að þeir taki ekki afstöðu til hækkunar aflagjalds.

– hj@bb.is